

日
雲
閣
鐘
木



90662

曇雲閣詩集卷四

吳縣 曹林堅

長甫

趙忠毅公鐵如意歌

君不見天啟四年玉璽出絹本先從夢鯨得何人抗議
 忤權璫尚寶姜公竟投劾又不見雖文鼎雷紋觚花紋
 兩瓣誇彝鑪羅而致者李從吾力取乃屬王金衢吁嗟
 乎金甌不問問奇器天子揮斤本兒戲可惜宣和杯一
 語手椎碎可笑定州瓷千金購其偽鑄錢夜半鼎長鳴
 奈此錚錚鐵如意節慎銅釘畱不畱提琴促柱使人愁
 五條玉帶今何在都堂寸鐵完千秋何不撫上海銅玉
 曇雲閣詩集 卷四

章何不撫隋州翡翠斝握君握君吾語女寫此鐵心心
 可見吾欲盛以彬齋之玉匱酌以澄海之金罍毋使蝸
 涎蝨蝕隨風埃沙雞飛飛朔雁哀以歌以舞魂歸來篇中
 所徵引俱見韻后齋筆談

寄東臺周大西答序
 攢天冰雪雁歸遲卻話篷窗載酒時令弟琴生客海陵將歸度歲為河凍
 所阻君有歸帆載酒圖臘後未春年計米燈前先讀故人詩詩集屬為
 點定屬為一生風月緣難了幾輩江湖鬢已絲同是清愁消
 不盡寒梅花發寄相思

冬夜懷人詩二十首 有序

寓居無事言念同儔寒月在空碧雲何許各有綢繆之
雅不無悽戾之詞率爾攄懷未能徧及

臘鼓聲中逼歲除翩翩書記近何如料應官閣籠鑪夜

二尺寒檠獨憶子

蔣大澹懷志疑

江皋落葉悵離羣一路看糧拜使君昨日西風催雁足

不須更讀送窮文

歲杪寄子 卒歲賞

王四大令規

殘宵燈火夢長安孫楚吟情總不歡千里江淮看冰凍

始知今歲是奇寒

時客 准上

孫大子和義鈞

無限羈愁一蓬中鬢絲吹老鯉魚風石城唱徧烏棲曲

可是東南有二鴻

戊寅秋同賦秦淮紀事詩子 與君同號人多稱兩艮云

趙二

曇雲閣詩集

卷四

二

艮甫函

小集琳琅快一披蘆簾風雪最相宜苦吟莫笑潘秋柳

君有西湖秋柳 詞一時傳誦 絕勝元暉五字詩

潘功甫舍人沂曾

車轂春明歎轉蓬蘭臺尊酒幾時同要看五政頒壬癸

謾說行人盡避驄

董琴涵侍御國華

早向黃綢被裏眠遙情無復寄琴絃祗因宋玉工詞賦

畱得青溪記事篇

見于廷憶山 堂詩錄中

邵子山大令堂

著錄光陰四十過紉蘭拏杜奈愁何畫屏閒倚吹簫夜

定是揚州月色多

宋于廷學博翔鳳

小樓襖被試鐙天高興吾曹鬪尺箋依舊青青楊柳樹

春風閒殺裏湖船戊寅正月同人游西湖君於湖上設飲 陳芝楣通守
桐生

風情未減鬢先華左手書成每自誇君右手病顛 蹋徧孤山

山下路逋翁修得伴梅花孫海珊同寶

親朋到處悵搏沙東武淒涼說舊家臨別一尊燕市酒

浮雲飛絮各天涯姚訪蓬友壻登瀛

廿年裙屐渺孤攀匹馬蕭條出漢關誰把弓衣繡詩句

一天風雪夢刀環張蘿山司馬愨田

鐙下同將細字看居然孤進有還丹賣文便好修家具

王述他年好長官舒左江孝廉應鴻

曇雲閣詩集 卷四

唱和深叨翰墨緣重逢依舊話青氈寒鑪煎餅思人日

看過梅花又十年吳玉松侍御雲

青溪八月送飛艘腸斷花間倒玉缸三十六鱗無處所

蕭蕭楓葉滿吳江程大喬堂鎔

廿年鄣闡城邊路說著師門總淚零那得如前共鐙燭

西風吹我太矜嫵葉蕙汀明府慶熊蘅浦孝廉葆勳昆

仲

淮海頻年蹤跡疏飛騰才氣欲何如閨中錄罷南征賦

清夢還應到石渠用舊唐書宋廷瑜事 陳小雲司馬

裴之

拍徧宮商付主謳短簫長篴各清愁楓江有箇詞人住
便是當年水磨頭

戈寶士外兄載

月影淒迷花影消參辰蹤跡太無聊一從珠箔飄鐙後

莫問秦淮舊板橋

史二仲仁磨

何時坐我詩徵閣此夕懷君江上洲欲采芙蓉渺煙水

明月娟娟相對愁

王桺村徵君豫

初春偶作

今年春校晚氣積寒雨餘及茲晴日好暖風一吹噓拂
煙柳欲黃畱翠竹已疏麥短不覆雉萍開乍游魚徙倚
小亭上裴回眺郊墟物情不可狀寂寞生意初默觀悟

曇雲閣詩集

卷四

四

榮落平心寡戚愉擾擾何所營卽此塵累祛

二月九日過俞徵夫宅感賦

徵夫開平欲與我

羅合舊宅掩蘭蓀流水依然繞北門長夜夢魂三載隔

空堂風雨一棺存漫從篋裏尋詩卷

遺集尚未付刊

猶記花前

共酒尊不用他時看宿草春煙滿目總愁痕

寄王三

嘉祿

揚州卽次病中襍述原韻并示趙良

甫蔣澹懷宋于廷諸君

俗風晝吹悽曠霧一堆荒碧攢空林團焦傾欹鄣叢竹

臥對那更煩幽尋科頭闌殘比越客倦羽刺促傷飢禽

欲訪荔蘿討芝桂客居何以寫滯淫無多款交別如雨

縱令有酒還孤斟卻憶維揚共歡宴君家廚婦工烹爨

坐中大戶各霑醉縱譚不顧宵漏沈過江杜牧劇豪宕

好詩傳徧邗江涔貝甫有三生狂杜牧忽又過江來之句中年哀樂感懷

抱頭上先有顛毛侵飛花吹紅絮吹白重來話舊思難

任相逢相別裁數日驪駒就駕何駸駸君初移居向官

舍我獨返權同山陰借澹懷至揚與貝甫于廷同寓七日于返泰州澹懷旋返金陵四月

五日再赴揚貝甫先一日去于廷亦有皖江之行君移居離使署說經鏗鏗數劉臞謂于

廷高趣落落懷姚吟謂澹懷江南江北渺煙樹坐歎形影

乖商參南城使者好文雅當時賓館開題襟十客五客

盡得意酬恩一寸孤寒心黃墟幾輩痛零落存者猶有

曇雲閣詩集卷四 五

郭蘭池與金山手如君凝峻不可測彈豪屬筆嗣雅音綠楊

城郭作鄉里擣衣不用驚秋礎燈明磨試鸚鵡研日高

睡穩芙蓉衾主人工詩客工和奇章絡繹招朋欽昨得

君書倍惆悵欲往從之隔水尋經春幽憂託長弄玉微

塵滿牀頭琴相思毋忘通咫尺子雲筆札珍瓊琳

蛩

將身便化妝那得竟無情落葉滿千里懷人到五更客

居總寂寞病耳最分明不作悲秋士明朝白髮生

月

幾年閨裏月仍是異鄉看今宵客中病一倍清光寒風

露逼淒警蕭蕭梧葉殘遙情渺何許揮手乘煙鸞

病中偶成寄王三嘉祿

坐擁吳絛怯早涼殘書相伴藥鑪旁月痕黯澹秋如霧

風意蕭疎夜欲霜人到中年都感舊病來百事總思鄉

輸他輕燕容還往畢竟雙棲是玳梁君攜婦回里將以重陽後來揚書中

有輕燕往還之語

病中感懷十一首

自夏徂深秋一病百難遣初時頓牀蓐寒熱苦交戰厥

後筋力疲魯縞不受箭久眠心躁煩少坐目昏眩閉置

局室中朋好艱一面醫師謝不呼藥石空糾纏青熒守

墨雲閣詩集卷四

燈火叢殘廢書卷漸覺清漏遲月魄已三見槭槭風葉

響悽悽物候變羈孤歎早衰何能卜長健勞生快決疣

百年迅流電但當讀南華瘡鬼不須譴

披衣覽窗色杲杲秋日暉西風吹梧桐一葉空階飛早

涼筋骨健百疾俱可治胡為獨羸頓朝夕守牀幃始知

傷秋士精氣日已衰齒豁未四十星星鬢毛催江潭楊

柳樹搖落使人悲

閉口嚙茶蓼默默知苦辛出門少夷涂寸步危荆榛全

家歎僑寄煙舍無比鄰食指矧逾百儉歲愁米薪俯仰

萬憂集霜露災其身虛中省藥餌瘵骨悲嶙峋胡更不

相諒出語翻取暝敝衣徧搜索道我猶未貧逋券積難
了謂我藏緼緡無端來剔剔瑣屑不可論采葛斷葛蔓
刈葵傷葵根嗟哉骨肉親不如秦越人

叢稿四百首編成亦自喜古人難可攀今人誰得擬兩

當黃仲川與南野吳澹或許作糠秕英英振巖廊齷齪老

鄉里鄉里多詩人傳者能有幾病骨吹西風酸吟入蛩

耳幽香怨靡燕坐令屈原歿身後總寂莫萬事都可已

君看青楓根李杜呼不起

故人有王宰風義切友生今春共一舟坐臥兩忘形

七日同君自蘇之金陵衣冠作蹠躐此中無性情昨者有書來尚

墨雲閣詩集卷四 七

在金陵城與我同病瘡體彊病校輕吳公治第一

九重早知名告我北上日枉道過海陵君以卓異赴都引見約至泰

州一契闊抵半載羸骸見應驚自從維揚別辛巳四月索居

感飄零鬱鬱久傷氣刀圭難乞靈君歸掃官廨日置酒

一餅且令百憂失毋使心怔營

吾儕本通倪人事苦拘縛屑屑計米鹽抑抑長不樂况

更遭涂窮棲棲安所託里門朱西與沈問風流入蓮幕

王生井不羈才梅花詠官閣失意數蔣生澹頻年歎飄

泊別來住金陵蕭齋面城郭時從士夫游歌樓聽絃索

雖無黃金揮頗復不落莫嗟予病沈絲杯影驚弩落明

月鑿疎櫺涼風隕秋籀眼穿江上帆鄭重故人約清懷書來

約中秋後至此鴻泥悵歡春燈記珠箔脈脈含孤愁有酒不

能酌秋容可當喜動香空疏寡經術稱師愧前賢江淮久飄蕩長物餘青瑣去

冬準歸計便買吳江船諸君共畱我畱我又一年去歲十一

月韓中丞更薦山長海陵諸君具公牘相畱晨夕種蕉館低頭弄丹鉛娟娟

竹翠交離離桐實圓疔作忽三月庭綠含悽煙飛鴻向

東去離聲感琴絃將以今冬歸里既無文通屋又無元亮田豈

必念我土聚散良有緣失路蕙化茅同心夔憐虻幸不

嘲狗曲好聽驪駒篇交與不

墨雲閣詩集 卷四 八

子孫非我有天地之委蛻不能廢恩情何所云鍾愛大

兒漸長成家貧宐出贅連年滯他鄉無人議良對次兒

甫上學童心頑未退阿同與阿福僅祗四三歲大父夜

不眠切切念生計窮無十金蓄何以飽羸糲作達非不

知要難免此累但使健奔走奔走弗辭瘁功名我尚然

豈能望兒輩懷此百歲憂倚枕發長喟好又

昔年抱奇氣單車走長安漫刺棄不用相逢多達官歸

作幕府客后筍喜飽看居瞻園兩載孤雲傷大厦誰肯奉我

歡胥疏成浪游轉覺胸次寬俛眉謁權貴斲者羞嫫媠

況復宣明面懔懔冰雪寒哀窮有千金用昌黎語換骨無一

丸此病不可藥長歌行路難
史書手一編覽古心不怡高門盛冠蓋夾道朱輪馳一
朝雲中翮墮作井底泥亦有文學士伏案聲吾伊蟲魚
紛注釋兩目嗟昏眊所志在隱逸山巔與水滸蘿荔裁
我服橡栗充我飢但許謝塵垢耕釣皆可師何必事練
臧神仙非所期
肅肅鴻雁征幽幽蟋蟀鳴揮我指上絃十指多商聲商
聲一何哀一聽腸一絕霜霰爲之零金石爲之裂絲短
線不長憂來人易傷河流斷舟楫塞衣獨旁皇我思舊
星辰寥落參與柳我思舊容顏青鏡不能守百年且爲
曇雲閣詩集

卷四

九

歡酌彼尊中酒含辛仁美人恩情結瓊玖秋風吹空林
吹作病客吟淒淒入人耳淒淒入人心

有答

卿言我亦復同同了義南華一卷中入世漫爭雞鶩食
干人多分馬牛風寄生窠簑名難覆長柄壺盧問最工
也覺搖鞭時正好有心何待管絃終

沈丈

寶麟

至三首

各比別時瘦秋風吹病顏江湖一宵話歲月幾人閒已
覺世緣澹其如生計艱停琴向流水流水只潺湲

梧葉打頭大蕭然共客居衣裘春典盡鎗火夜寒初難

覓宐城釀猶多行篋書出門總歧路歲暮意何如

九月二十三日

商節年年酌一卮冥冥長夜杳無期零香斷素神傷日
瘦蜨疏花病校時枕上寒聲雞唱早江邊霜信雁歸遲
當初不有黃門悼四十頭顱已可知

哭宮春巖 錫齡

我從來海陽歲月日可記款交曾幾人殉者已三四噉

然寢門外自哭黃五 虛谷始前年哭兪三兄先弟其次 樓

之逝先澂夫兩月 禮華丈以九是皆嬰沈疴猶謂意中事今年失靈光上壽

大不易 十二歲終會葬出東門維時君執紼 叶方我

曇雲閣詩集 卷四

十

病君過我殷勤問葯餌筋力云少衰一月還再至月朔

走訪友坐上偶相值同君握酒杯同君噉肴馐 九月一

遜寓同飯 豈知此一面遂已成永訣 叶居病風在倉卒呼師

亟診視藥下不能言三日竟長逝君家本著姓列戟壯

門第早擬陸士衡晚學張仲蔚襟情挹冲融圭璧稟純

粹寓居荷綢繆切切見風義歡讌互主賓極飲不霑醉

頗問比年來殉皇愛家計憂無窮白髮暗憔悴干

秋感黃墟一語欲相慰人生七十稀屈指纔少二鵬脯

竝知名弓裘得良嗣烏庠神理微旦暮不可恃墮地望

百年百年亦如寄峩峩馬鬣封惻惻牛山涕巨室偃歸

人間諸漆園吏

甲申十月將自泰州歸里錄別八首

早識人間聚散緣打頭黃葉送歸船琴書跌宕無三徑

淮海飄零已七年黯黯鄉心葑水曲擬賃居忽忽行色

泰墩前垂楊也是愁攀折一角蒼茫帶晚煙

摩挲鐘篆剔苔餘巷口斜陽認舊居六學幾曾窺窈奧

兩堂重為埽階除戊寅秋來泰寓鐘樓巷辛巳州人士

靖時安定書院建經重修書院予以壬午夏移居披明嘉

義治事二堂見州志牆圍密竹煙深處亭覆高梧月上

初奏雅亭舊名四梧亭昨夜西簾對燈火雪鴻蹤跡感何如

車笠盟言記曩時平生風義友兼師焚香怕檢金蘭簿

曇雲閣詩集卷四 十一

作客偏歌薤露詞斗酒敢忘身後約素車應示夢中期

臨行一把唐衢淚灑向重泉可得知徵夫尚未葬春巖新逝

叢殘志乘閱年多開卷烏焉待訂訛久數此邦盛文獻

更傳良牧化絃歌農功且緩求荒地時蔡薊滄通守奉檄勘辦版荒地畝

水利應先問下河難得酈元注經手一書編定莫蹉跎

泰州志自東臺分縣後未經釐訂州人仲雲浦宮彤九諸君聘予同紱齋纂輯紱齋專精水利著有南汝光水

利寓居清興幾人同扶杖還來鶴髮翁姜桐軒程星泉兩先生大戶

更番轟酒國名園取次顧花叢蓮汀蘆葦屢有賞花之讌一冬魁蛤

論斤賤三月鱖魚入饌豐此去故鄉愁米價午炊閒話

泰州紅穀名見州志

窈窕回廊步履巡紙窗竹屋少比鄰烏蘭寫徧懷八句

清鬢消殘舊日春游釣豈能忘故土飢寒祗恐離去衰

歸里後將赴菊泉明府之招

淮南桂樹添悵幾度秋風霜操身

諸君聽我鼓嚨胡不待聲聲喚鷓鴣家具少宜三板舟名

載歸糧貧到一甌無連名何分勞書牒

海陵諸君曾屈具公牘相留

指頻年已濫竽莫遣搏沙容易散青鞵留約小西湖在州

治西泰墩下

解事離騷賦卜居寒雲江介渺愁予代飛燕雁參消息

過眼蚊蚋了毀譽疏懶竟同嵇叔夜倦游難比馬相如

曇雲閣詩集卷四

十一

雷過五日揚帆後重使行人感執袂

始擬二十五日解雜因諸君相留改

為仲冬朔日

王四明府書來知丹陽水淺不可行將以明春言

歸口占御寄

津梁阻歸權昨得江南書況以長卿客而無仲蔚廬鄉

心在春牛人事逼冬除若雪浮家者吾生定不如

哭王三井叔嘉祿四首

七月得君書云將歸故里我時一把骨店作不能止陳

生小過海陵殷勤問諸子思君葑溪屋望君邗江水邗

江折向東中流有雙鯉阿兄一紙來烏虜君不起君未

知我病我乃知君來書云攜婦歸家重陽後仍來揚州而君以九月七日卒

團團秋茅榮鬱鬱春蘭衰茅亦有衰日蘭亦有榮時雨露均所覆苑枯雨不知世方少傾城眾或妬蛾眉豈能

謝謠詠千秋識嬀施我欲箝我口悲哉蔣生澹懷詩

君母我之姑君婦我之妹仲冬到君家白髮慘相對堂

東總帷張明燭照我拜拜起有無人悽焉發長愀年齡

卅載短詩卷幾篇在區區身後名亦復同委蛻何以慰

生者寂寞邱壠內君已葬

挂席共良友朝渡楊子津相逢各繼綵絲竹酣殘春三月

重來訪官廨話別酒幾巡四月五日事此別覺惘惘冥漠

曇雲閣詩集卷四 三

豈有因此別竟長別人事那可論西颿隕黃花東浪漂

白蘋我猶江介客君已泉下人

歸里覓屋寄居朱二墨池園者半月解維之夕置

酒極歡用賦短歌并示沈二彥曾

西頭日落池水涼東頭月出池水光水木蕭瑟含清商

長堤皚皚作冰色多少哀鴻悲澤國欲歸不能留不得

十月十二日暴風寒甚高堰十三堡決口水結成隄傳聞淮揚一帶多被水患故人酌我鸚鵡

杯殘月還照階前苔短歌微吟相裴回吟成莫使蛟龍

怒拍天波浪公無渡明日扁舟過江去

泰墩晚眺

木落斷歸鳥西風吹鬢涼樓臺見殘雪城郭有斜陽寂寂僧寮閉蕭蕭竹徑荒憑高望鄉國幾點暮山蒼

望見江南

諸山 乙酉二月四日自泰州奉父攜家歸里得詩三首

全上上輕艘浩然作歸客城西少人煙布帆風惻惻雷

雨忽掀空叢樹晝深黑維舟沈家渡

距州治十五里

燈火已向

夕薄醪奉我親旅居話疇昔殷勤感朋交涂窮畱不得

五兩祝旄旌行行到鄉國

鄉國豈云遠寒士獨苦貧誰知到家日即已無米薪涉

江喜風利官廨逢故人揮金仰高誼窮薄能相親

七日渡江

曇雲閣詩集 卷四 西

入日至丹陽晤菊泉大令 芳草日以綠岸花正當春安得買魚具扁

舟泛西津旨甘迫我念埃盪勞我身

我今已四十遠巡感流光顛倒乏良算寸心徒匆皇賃

居數椽屋瑣屑煩料量同閑走相賀為治酒一觴

芷橋西生

朗如定生諸君 道我出門久兒輩如許長歸來飽麪糲慎毋去

其鄉此事那可得此言何能忘

偶興東里門諸子

春波一櫂暫言歸寂莫新居晝掩扉風雨又催寒食過

鶯花如恨酒人稀半生涕淚餘詩卷隨處江湖有釣磯

看到故園芳草色青青還自上行衣

到家十五日重赴泰州舟中雜遣

風尖雨細別離辰料峭春寒不釀春耽酒怕禁中酒味
還鄉仍作去鄉人幾番潮上催津鼓何處花開動畫輪
莫更江關問詞客年時懷抱總酸辛

殘陽城郭酒旗邊又過楓香二月天遠樹四圍波渺渺
長隄一色草絲絲蒼茫雲路無鴻鵠寂寞春聲有杜鵑
明日風帆渡江去吳歌愁聽夜航船

玉鉤香豕慘靡蕪還見傷春杜牧無一水彎環看白塔
幾人涕淚灑黃壚謂井叔胡槽雪挽清商曲夜燭烏絲摘
句圖不道去年文酒地垂楊如夢客程孤

曇雲閣詩集

卷四

五

空亭還去翦蒿萊積雨牆陰滿翠苔幾樹杏花都落盡
隔年燕子定歸來于至泰州纂志仍居講舍勞人動有參商闊退筆
應無著作才重與朋歡話家計春衣未著券成堆

題李梅生有黃壚感舊圖

彈指前塵感尺波蕭條門巷有誰過美人天遠尋鸞鶴
山鬼秋深語薜蘿宿草青如雙鬢減夕陽紅入九原多
傷心不買壚頭醉鄰聲奈爾何

不寐

祇有酒能遣其如餅已空夢遲孤枕畔春盡此宵中次
夏窗際暗沈月鏡痕涼怯風誰知香露好花發鼠姑紅

寄題王柳村錄焦山志用淵明讀山海經韻

一從役人事遂與名山疏頗思學古人山中結精廬有
酒足自適飲罷還箸書夫君託潛默佳約阻巾車相期
止園舍荷鉏理春蔬明月照滄洲俯仰片雲俱棲游覽
新編閉影良可圖緬懷京口隱懋賞意何如

謝佩禾望至泰州徵詩光孝寺住持慈濟上人畱

宿精舍並助劖劂事予喜上人之能近風雅也

因貽以詩

不意徵詩客來參選佛場清齋喜蔬筍幽韻出松篁雨

洗天花淨風吹夕磬涼吾儕一無事結習笑難忘吳思亭自

曇雲閣詩集卷四

揚州來訪芸士次日雨中同過光孝寺早飯與佩禾左亭諸君談詩竟日

衣鉢誰相授能詩釋皎然前任持炳公西此中第一義

卽是上乘禪爲有千金享因遲三宿緣青熒龕火在畱

與照蠶眠

古意

郎言看花去儂道乞花來花花好顏色應是爲儂開

山南有甜桃山北有苦李同時不同根何因得連理

贈郎笥中刀看儂機上絲翦罷手重理絲絲無斷時

食果莫食梨種樹莫種棗不因今日歡那知昨日好

得家書作寄呈大人二首

緘題兩字喜平安風雨蕭齋把燭看近別無如疏定省
老年最要慎餐眠音書一水猶多阻稊覈全家亦大難

何日躡氛容卷跡新居鄉心只傍釣魚竿

葉頓華承本一枝菀枯消息竟難知寒門未必無雛鳳

謂麗堂叔稼山鄰仙兩弟乖氣何因有嚇鳴息事宜判樊重產時族中有

事爭訟應人誰解顧榮施道南最是長貧好閒向中廚話

斷炊

卽景次楊芸士文蓀韻

早蟬嘶處煙平屋孤鵲飛時月上牆獨自碧蘆紅蓼畔

始知江北是他鄉

曇雲閣詩集卷四

十七

將應省試由京口之丹陽口占示王四明府親蔣

大志凝

槐花風裏又相催跳浪年年笑曝鰓卻指南徐好山色

抽帆先訪故人來

七月十三日自丹陽借趙良甫蔣澹懷赴試金陵

途中有作三首

相顧各老大猶此覓舉行世無六一翁孰者司文衡有

耳聽皇芩自度不中程況復迫衣食奔走臣精標梅

期已過可守不字貞又弗託良媒百兩誰相迎蔣生謂

不然吾曹難合併三年一簋盍聊借秋賦名過江好山

色遙指金陵城金陵有佳俠雜弄琵琶箏中秋出號舍
皎月團團生開簾理清曲大勝歌鹿鳴墨水不必罰美
酒且共傾

髯也來吳陵一見快胸膈豈意兩韓翊同時客江北

兩之句以與子同字故 虐暑正薰天交扇汗流脊誰爲

避暑飲獨有高季式謂楚莽俗吏詎好賢官舍苦徧仄忽

聞理權歸杯酌不數夕贈我長句詩珠璣粲盈尺可惜

蕭荷花舉典未能識司書定有蕭荷花良甫見贈句有
自注志局神名子未知出處也

倡竟無和至今愧諾責今宵喜同舟翦燭笑譚劇魁然

七尺軀所志亦奇特拍張致三公悔不早弄戟區區帖

曇雲閣詩集 卷四 六

括間富貴那可得良甫軀幹
甚偉故云

平生慮不測涉江畏風濤兩君畏於我到此氣不豪山

腳石尤阻比櫛聯吳舫饑蝨恣血食鉞啄攢毫毛侵晨

舍舟去毒日甘煎熬十四日由新河至棲霞口子擬沂
江而上兩君持不可適爲風阻而

試船畢集覓一驢不可得
遂徒步就陸秋陽酷甚 徒行不十里才于疲睢尻出

錢喚籃輦快比擁節旄江山擅雄麗萬雉秋雲高王謝

久不作弔古來青袍古今一邱貉兩鬢看蕭騷縱有千

萬春出入毋乃勞所幸猶善啖吾敢笑老饕

秦淮喜晤諸君各系一絕句

玉沙瑤草恨茫茫翠羽新添陸賈裝新自嶺
南歸吟得板橋

微月句不銷魂處也迴腸

朱子廷翔鳳

附錄

長洲宋翔鳳于延

青溪不到小姑祠煙裏垂楊弄幾絲待得板橋微有
月斷腸人已立多時

錦瑟淒涼屬疾辰華燈飄夢感前塵坐中誰是黃衫客

獨把清歌動美人

孫子和義鈞

隔院清鐘向夕催沈郎可是不勝杯分明別後歌桃葉

聽說前宵打槳來

沈蘭如彥曾

錦裘繡帽最翩翩揮盡團花五色箋一樣詞人好姿制

不應蕭瑟過中年

史仲仁磨

墨雲閣詩集

卷四

七

肯使臣冠挂玉釵近來也解說風懷酒鱗吹動梨花盞

看到明金壓繡鞵

朱酉生綬

樂府編成手自抄引商刻羽費推敲

著有詞林正韻

紅牙只按

吳孃曲花月秦淮一例拋

戈寶士載

依然席帽券疲驢消息頻年斷尺書不向繁臺聽簫管

秋風獨自病相如

自河南來以病不試

褚仙根逢椿

擊筑彈箏舊酒徒浮雲身世一歌呼逢人眼作車輪大

酣法如君也絕無

陸東蘿損之

丁字簾前感舊游青衫幾度白門秋南城賓客君猶健

可惜年來喪應劉

徵夫并叔與君先後客賓谷澁使幕中今兩君已逝

金手山

襄

一曲繁霜思不禁秋宵無奈漏沈沈玉鉤詠與銀鉤字
抵得當筵買笑金

沈芷橋廷炤

蠟燭燒殘話未休轉因舌澀見風流高才不遇尋常事

莫把文章示魏收

徐季雅穎

名場如我笑蹉跎且共尊前聽豔歌獨數君家修月手

一身風露避姮娥

吳清如嘉淦

談念堂

承基

戴桐孫

守梧

馬棣原

功儀

汪艸樓

度

招集城北東嶽道院坐客二十餘人詩以紀之

野竹靜宜暑殘荷香到秋人稀猶有市橋盡不通舟勝

墨雲閣詩集

卷四

三

地足幽討清尊互勸酬諸公擅文筆吾敢廁名流

秦淮秋泛

香簾畫閣幾家存又聽烏啼白下門秋水自添雙鬢影

垂楊還寫六朝痕橋梁宛宛來時路歌管悽悽別後魂

欲向微波通一語十年前事總難論

高紫嵐舍人

筠

以紹興酒詩見示同賦

鄆筒空費藕絲苞

見成都古今記

此是山公耐久交大戶雷連

誇浙甕

二字見太平寰宇記

女兒風味配吳庖

女酒之名見南方草木狀南人皆釀

之今惟紹興有女兒酒

千錢不惜人間買三釀誰將釀法教便使

中年少絲竹蓬萊春色未應拋

紹興新造蓬萊春酒見貴耳集拋青春亦酒名

徐竹薺鳴珂有食蕎麥詩四十韻高紫嵐賦七律

二章卽同其數

且教洩屑付湯官爾雅唐書懶更看竹薺詩引爾雅及唐書高承簡傳

當戶月來先命酒解霜雨過好登盤僑人那有居冬穀

喚我真宜別室餐忽憶花開春社後廿年風景隔且蘭

滇多苦蕎花開在三四月子舊有蕎麥花開白如雪句

分餉貧廚意獨親拈豪敢詡筆如神形容烏柏知難似

消息黃鶻記未真解得風詩都有託傳來俚語豈無因

飽餐便作遊仙夢爲問銀河手種人時譚及陳風詩注葉如烏柏見羣芳

譜諺有黃鶻口嚙蕎麥斗及銀河去種蕎麥語

曇雲閣詩集卷四

三

連夕同人小飲賦懷三首示周西岑岸徐竹薺鳴

珂高瀛洲變金

家近猶爲客吾曹感慨同西岑家東臺一江落木外萬事酒

杯中入夜霜風緊當窗蠟照紅莫投蒲博具此戲亦英

雄

難得是知己如何病此人瀛洲令兄曼亭明府自去秋病後不得見者一載矣往

時劇歡讌終歲斷朋親況以應官日長爲屬疾身平生

不善哭爲爾一霑巾

荒齋容止泊梧竹自修修山鬼猶能賦佳人不可求幾

番成薄醉竟夕擁寒篝惟有銜蘆雁知予雙鬢秋

消寒八詠同高

筠

周

徐

鳴珂

作

卷

癡

不了閨浮種種緣是關情處總纏絲神仙黃白原非想

兒女青紅亦可憐未必逢人皆鈍漢何妨喚我作奇癡

生來也自妍皮裹一笑難成脫殼蟬

人懶良辰音一笑吾卦謀習習習

牀頭書籍任縱橫戶外簪裾罷送迎自有通人能識我

本來世事不干卿忘形便想邱明士多累還愁向子平

猜破天炭容易解從他蠻觸鬪心兵

雲閣詩集

卷四

三

寒釭無燄漏聲遲又是清宵悵斷時暮雨朝雲空讀賦

曉風殘月正填詞廿年開眼人長別百事攢眉境可知

擁著蘆花衾一幅起看秋鬢定絲絲

癡

難從人海覓知音一笑吾徒結習深嗜酒便思傾十榼

耽詩真欲享千金漫呼靈運爲山賊可信佟之是水淫

最有祖家錢籠子能畱此癡到如今

驢

青衫得得跨疲驢勝買街頭薄笨車側帽籠鞭人去後

野橋孤店客來初吟詩自許山僧贖折券還勞博士書

廿載風塵嗟旅食試看吾腳定何如吾腳何如驢脚見內典

自美人蝨蝨生計長謀敗絮中湯沐具時吾未忍

么膺詎是齧人蟲脂膏分得爾何功望來便有成牛喻捫去徒教撮蚤同

避跣就顏真可歎解嘲空自賦龜蒙然手持大黃題贈

寒煙深處莫呼名多少緋衣誤此生大有禪心歸寂滅

試談劔術亦縱橫棲邱飲谷高人伴落月荒江旅客情

一自玉環畱獻後相思添得斷腸聲昔請乘神奉本組

問雲來鶴

曇雲閣詩集

卷四

閒雲來去等無家坐畔璩鐘亦可嗟片紙何曾來闔苑

一生只合守梅花略知識字饑能忍若話乘軒事本賒

獨自裴回口長噤墨痕塗處有啼鴉香日

長福題揚州金雪舫茂才青鐙讀史圖

有酒有酒盡一斛有史有史不必讀二千年事同積塵

二千年人同轉燭我欲紀銅柱銘燕然手執大黃腰龍

泉衣一品衣冠貂蟬君不見高門大第銷雲煙我欲田

萬區奴千口紫標黃標守者守君不見瓊廚金穴無何

有美人滿堂妙修嫻我為若歌若為我舞傾身奉君相

媚嫵君不見秦娥衛豔皆黃土書咄咄笑宋宋出愁入

愁愁偏仄頭上顛毛如雪白君不見夜郎流長沙謫自古文章竟何益烏庠有史二千年若水不挂義和鞭麻姑靦然啟玉齒一笑滄海成桑田青楓樹根狐兔掘李志曹蜍亦俊物昆明池乾吹劫灰行尸走肉真快哉男兒何事長局促三寸毛錐老而秃荒煙蕭蕭風颼颼一點寒鐙射秋屋叢林月黑杜宇號有人夜枕骷髏宿

張子涵

灤

自金陵見訪述事寫懷卽以爲贈

白下談詩舊酒樓蕭然襍被又吳州功名莫問烏紗帙風月都消紫綺裘梅子一尊高閣雨蘆花雙鬢大江秋漁弟漁兄驚老大可憐頭白尚江湖君詠蘆花句手中寸寸琅玕碎何止霑襟

曇雲閣詩集

卷四

十四

賦四愁

冰凍長淮有客還軍門同唱月彎彎

去臘道出瓜州相值二波官廨同赴

阿昏鐙版榻眠瓜步斜日鋒車指蒜山

見贈有聯榻際風頭腦吹過江

還共鋒車馳之句

已見陽城能撫字

謂菊泉大令

可堪庾信尚江關

謂簷懷

重逢好盡西窗話一樹煙條忍更攀

哀絃譜後各傷神彈指華年感漏因送玉蕤香千點淚

吞花臥酒幾回春

見題拙著有哀絃廿四譜流離及吞花臥酒倦遊時等句

家山桃

葉銷魂地夫婦鷗波絕代人豔煞汝南灣一曲我儂還

是異鄉身

近居汝南灣繼室岫嵐夫人工畫

好寫扁舟訪舊圖浪花如雪捲菰蒲不平身世悲碁局

無恙河山對酒壚

君舊友仲雲礪鄒耳山俞徵夫皆下世

老屋晝陰啼謝

豹荒墩月黑走神狐

書院後即泰墩

蕭寒那有金銀氣滿把芙

蓉贈左徒

和作

上元張

樂子涵

龍江煙雨閱江樓丁字簾前瓜字州兒女英雄空昔

帽梗萍身世做貂裘范范功業炊槐午草草鶯花到

麥秋賴有同心相慰藉三旬消盡古今愁

未有田廬待客還入時眉樣尚須彎魂銷舊雨尊前

遂夢繞家園枕上山興到且拈三寸管狂來誰奪一

夫關平生龍性難馴久笑我交嵇是仰攀

曇雲閣詩集

卷四

五

宣室何年問鬼神飄零如此信前因要除草莽千秋

想只有蓬萊一盃春肯把閒雲酬處士惟尋香草贈

佳人闌風伏雨蕉花館珍重寒瓊著錄身

黃金亦似佛難圖一櫂煙波去綠蒲試問豬肝長作

客何如犢鼻去當壚文場入彀行天馬詩思通禪黜

野狐記得臨歧眞實語齋規只此告生徒

題子涵扁舟訪舊圖

鶉鴉聲裏榜輕舟未可江淮欠此游卻憶城南訪張籍

六朝殘話白門秋

詞客心情託女蘿一杯相勸意如何眼前舊雨還今雨

只怕重逢白髮多

題高麓庵刺史

垂慶

三峰園圖用十五咸全韻

三峰崩岌神工剗結體皴瘦尖礫品劃入苔色青巉巉

俯瞰洞穴通嶽岳煙霧外塞中空嵌森如積鐵捫功城

疑有靈寶祕石函撐雲老榦檜與杉皮皴骨出貌隘儼

聳立不許羣木攙方塘流水聲潏灑注目可數游鱗織

孔雀對舞毛毵毵

園中舊有二孔雀

平地寸步收千巖只少茸

客來膚麕主人情迴不凡漢二千石榮頭銜行擁朱

戟影旗繆豈其伏處避謗讒華堂晝長燕呢喃逍遙猶

著隱士衫竹林雅好從籍咸

瀛洲徵士君從子也

長瓢短杓設酒

曇雲閣詩集

卷四

五

監金齋玉膾調酸鹹分別賢聖相誦誦坐對麴生流涎

饒渴若怒馬馳驚颿擔風握月工詼詁搗箏不勞女手

摻獨奏長弄音泚泚美哉琴德感至誠

君工琴

枕山樓谷

幽抱緘便擬采藥攜長鏡胡爲十幅催歸帆

同人集飲園中時子

涵將歸

張之壁上圖勿械霜豪禿盡秋兔斃操觚率爾

詩可芟有此長句君無嫌

前年曾題三體詩於別幀君意不愜屢以爲言故戲及之

書感

海色西風滿郭秋接天煙浪怕登樓請看淮水成洪水

莫道吳州是上州夜宿寒蘆還有雁春耕荒草已無牛

舉頭那得光明燭照見流亾萬戶愁

秋齋雜遺

闌干西畔屋東頭新月如霜照瓦溝
虧煞黃鶯啼一箇梧桐庭院不知秋

香殘酒冷意如何悽絕當年水調歌
不要中秋有明月西風雙鬢笑恆娥

一枕游仙喚未回清吟吹上閨風臺
玉沙瑤草無人地可惜堯賓只費才

擬種秋葵一兩枝風簾殘燭好題詩
道家裝束分明見記起宮黃捧額時

綠楊深巷酒人家一曲繁霜感歲華
無限春條總零落曇雲閣詩集卷四

七

牆根畱得斲腸花

看書一味長疏慵煙徑蕭條斲客蹤
幾陳亂蟬嘶過了都將心事付秋蛩

梧陰稀處透斜陽纔到黃昏點滴長
天一番晴一番雨不爭人世有炎涼

一樹芙蓉照水濱遲他三十六魚鱗
風多露重秋聲裏細細清宵憶著人

愍災詩六首

有序

道光甲申冬高堰十三堡決後以次繕完禦黃壩堵閉
兩年漕艘改爲般運丙戌夏六月洪澤湖水長當事思

隄工不保遂啟放五壩過水而揚郡七州縣當下游者
不數日間田廬盡沒雞犬無子遺校嘉慶丙寅決荷花
塘時爲害尤劇子客海陵距北門里許人煙蕭寥萬室
波蕩加之旨風怪雨發作無節觸悽慘之懷寫流離之
狀因事命歌代口述而已

開壩行

種稻忙望稻熟今年稻好收穫多陳穀完時賣新穀稻
未收洪湖水長日夜流治河使者計無奈五壩不開隄
要壞車邏開尚可昭關壩開淹煞我昨日文書來六月
三十申時開一尺二尺水頭縮千家萬家父老哭

墨雲閣詩集

卷四

五

搶稻行

低田水沒項高田水沒腰半熟不熟割稻苗水中撈摸
十去九鎌刀傷人血滿手生稻不成米熟稻一把無官
說今年不要租難得稻頭一兩寸畱作糴兒粥幾頓
麥爲粉煮以爲粥秦人謂之
糴兒粥糴作采音俗字也願天活民水早退茫茫不
辨東西界搶得稻來無處曬

破圩行

倉皇出門告田主前後圩田要加土主人已費千百千
農夫解衣還質錢兩手撈泥泥漉漉一斗黃泥米一斛
走圩東走圩西太陽初出雞又啼手僵腳腫不覺饑大

家保護半月功寒天有米到腹中但願日日東南風東
風不來西風大前圩後圩一齊破

賣牛行

牧童面色如灰十牛五牛穀棘來今宵牽向城外宿
城裏明朝喫牛肉牛食我草牛牛耕我田無田無草
那養汝養汝那得到春天夜半餵牛對牛哭牽牛進城
牛有犢牛牛爾勿怨聽我告訴汝賣汝得錢能幾許有
男賣男女賣女

拆屋行

水連牀牀連屋大兒小兒盡匍牀前浙米牀上炊那
曇雲閣詩集

卷四

五

有乾薪一兩束黑夜沈沈兒墮水夫叫妻號救兒起不
聞兒啼兒已舫鄰家有小船兒女安穩眠我家無船屋
裏住水來更向何處去不如拆屋取屋材粗粢細糲併
一堆兩頭用繩縛作筏漂東漂西波汨汨未定一家誰
存活

查災行

雞毛文書絡繹催明日官府來查災四邊汪洋天一色
挂起風帆向西北某村某落在何處惟見墳頭三兩樹
父老叩頭言聽得官府喚天災流行那敢怨官府親來
百姓願

當今皇帝大聖人頒發國帑救我民白

金萬兩錢萬緡兩大口三小口官府莫交胥吏手

秋霖七日夜不止下河居民不可問矣慨然賦此

竟作盲風怪雨天從教墟落斷人煙危隄自比三防固

三大防見唐書李適之傳大壑能容萬井填但見周圍都白浪不知

何路更黃泉使君便把流亾繪空使官家費帑

錢

哀流民八月二十一日作

濃雲壓頭天不霽十家九家大門閉大門開流民來嗟

爾流民何用來揚州七屬同此災可憐官府太解事船

船送得夫妻至聞寶應具船送饑民出境此間何地可容身但看北

曇雲閣詩集

卷四

辛

山寺裏人散撫郵錢票處不如還向江南去聞道江南雨不住

況有風波隔大江津吏闌人不得渡流民聽我言言之

涕垂胸自從口決十三堡天子旰食愁河工坐費

帑錢數百萬至今糧船還未通下頭過水已通暢昭關

壩開後官檄中有過水通暢語上頭濁浪聲洶洶壩開欲殺黃水勢流

民又見來安東黃水甚大聞以八月十三日開王營減壩河官自有隄防責

誰令爾鄉爲澤國莫怨河官怨河伯

夜讀蔣志疑詩卽贈

蛩蟹何能共一生鬢毛蕭瑟對殘檠江湖易感窮秋氣

花月難消變徵聲不信菀枯都有據自來身世最無情

東山那更煩絲竹早覺哀絃指上并

曇雲閣詩集

卷四

三



東山那更煩絲竹早覺哀絃指上并

曇雲閣詩集卷五

吳縣曹楙堅良甫

書四一笑

一笑人間世頽然盡此尊
穠華自桃李寂寞有蘭蓀
馬骨羞論價蛾眉怕受恩
沈沈汨羅水誰更與招魂

秋夕不寐柬蔣志疑

故鄉仍旅食連夜已秋聲
風雨極無賴蛩螢殊有情
披衣百事始攬鏡二毛生
世豈容吾輩毋為禰正平

古意

船逐波高春水生波隨船落暮潮
平郎在天涯儂地角
曇雲閣詩集卷五

自分天地便無情

十五盈盈樓上頭
一生羅綺稱風流
自從窺得捧心樣
不到愁時先學愁

姑澱斷釵圖詩為世襲雲騎尉浙江參將湯貽份母夫

山人作

山有時而崩木有時而萎
維三忠孝節亘如日星垂
賊來鳳山城城危不可支
父子同授命含笑革裏尸
蒼黃得凶問魂歸滿瘡痍
妻豈不徇夫有此懷中兒
昭忠隆郵典乞乞看豐碑
孤孫襲世職羽林耀長長釵都尉
見漢書
衣帽督嚴訓家學矜儒師
粲粲白玉釵猶記上頭時
廕

空釵亦斲冰化傷流離釵斲玉則完萬古光長麗吾聞
衛氏墓墓柏生連枝枝連還復散悲吟五字詩母詩傳
萬口心跡同磨笄悽悽樹謝凜凜松風吹將軍負時
望登壇肅指麾武不媿彊弩文不讓稷嗣文武兼上才
忠孝門有之丹青在麟閣勛哉令名貽

秋試歸里遣興四絕句

來去煙波愧白鷗幾番小極廢清游等閒蹋得槐花碎
破帽疲驢十度秋

芳草還畱舊日青看儂華髮已星星夢中不識鈞天旨
一枕寒蛩獨自聽

曇雲閣詩集

卷五

二

艇子何曾載莫愁蔣山山色酒壚頭暮鴉啼煞無人處
誰記秦淮十四樓

霜螿入跪酒三升六柱船窗正好憑莫忘故人重九約

湖梢橋外是松陵

擬訪澹懷
于吳江

題潘曾沂舍人區田圖

本計首重農始終厯孽畫少實勝多虛場功期不迫霸
圖亟富彊制乃壤仟佰兼併後貽患名田紛占籍傷稼
由楛耕民或飽糠覈旨哉高允言三斗計損益區種具
有制成效見史策肥磽與草萊一易或再易杷土土離
離滴水水液液能風亦能旱氣可迴禿白務使力有餘

不在地無隙粉穫日以多疇壟日以闕其法本代田行之已在昔舍人經濟才家居課襍良規酌古今美意先綜覈耨則坳其根壅則培其脈但令趨三時詎止收十石不蟲不蚰蛆如雲三歲積要之闕民事豈其有地癖亟當放農書是彼長吏責轉輸不涸倉犁然視圖冊六穗咸告登美禾又美麥

虎邱古鼎詩奉梁方伯

章鉅

姑蘇金石闕記載或存其目亾其辭紹興銅鼎目未睹

晉甄漢瓦空補遺

漢甲天下瓦晉太康甄宋銅鼎並見郡志

鐵砂遠追神禹

釜孽龍誰比無支祁

見吳莊四嶠考

海湧峰高三丈香樓金

曇雲閣詩集

卷五

三

道陵屣屣試劒猶存紹聖字藏經已失貞元碑偶因訪

古駐旌節寶龕佛火澄瑠璃摩挲神物一朝出賓從動

色生嗟咨靄文駁犖滴翡翠雲氣霏霽涵蛟螭曰王子

吳作飢鼎子子孫孫保用之拜揚廟庭薦圭幣羅列雍

廩倅鼯鼯昭宮邵宮匪異代龔叔龔伯宜同時文三十

一竝可讀剖析跟肘窮尻脍近撫薛書證異擇旁援服

說通謀期吳虞業樊各有解斷爲周器斯無疑金蠶玉

燕早灰燼何來丈室光陸離焦山之鼎此堪埒豈有龍

象力護持不逢巨眼爲搜剔香鑪那免千秋噓

見顧澗虎邱志

吁嗟乎咸陽銷金禍最酷

竹垞氏說

詎止石鼓生癩胝盪盪

医医高占甌厥有存者真幾希司成尊壺師危敦楚公
鐘甬文王彝東南士夫爭購致名品入手還遷移不見

梁溪售寶鼎璽卿誇詫千金資彝鑪花觚蔚三絕郵亭

酬帖無人知有時潛虬起幽壑頭陀夜半間悲嘶並見韻石

齋筆談孫馮兩家競藏弄規仿形制徒爾為見七頌堂梁識小錄

公嗜古不玩物深鑄淺刻勤擅椎斲鄉窺軻具精鑒考

以籀篆系以詩從來器寶待人寶安用什襲韜珍奇玉

帶還山鼎畱寺億千百載昭無私吳中風土尚奢靡樽

壘簫板供羣嬉要使三代法物在還彼涓樸除澆漓不

然蝸涎蠹蝕有誰問那得完好貽今茲銘詞堂皇例山

曇雲閣詩集 卷五

四

甫頌語肅穆輸曹毗仲山甫鼎銘有子子孫孫永保用語見後漢書曹毗玉鼎頌見宋書

十二門戟八州督彝尊龍勺來 金墀太和至味仗調

變鼎臣位業隆皋伊

詞科掌錄書後

空費相如賣賦金薛蘿幾輩換華簪 朝廷自急求賢

詔宰相終嚴取士心長夜銷沈餘劒氣窮秋寥落有商

音廣陵散定人間斷獨對焦桐感不禁

題汪主簿

治安

河陽灌園圖

蘇軾三昧海亭

捧檄得名區瞻慈戀微祿盪胸有雲霞署尾少文牘菜

畝開數弓果蔬羅百族坡其土塙墩哥以泥滲漉種先

茶甲分候及瓜當熟齒牙涎欲流風露氣可飴况真比
寒水味許配幽未滄甘奉庭闈厭餓勝梁肉頗稜既充
腸莖榮復娛目灼灼中庭榴英英治牆鞠蓮實裹橐韜
芸根茂苜蓿東西遊纖鱗晴雨喚秭鴉偶脫隱士衫不
換老萊服才豈忝潘仁仙乃學梅福伊誰影曼纓際時
騁華轂籠東判低昂雖盱恣敲支中廚滿勝臊後堂聒
絲竹宦情那得衰官謫毋乃速攜君水一瓢灑彼塵千
斛

河陽詠古詩十首

步障春風別業前齊奴往事總如煙淒涼金石從頭看

曇雲閣詩集

卷五

五

司馬家兒亦可憐

晉石崇有河陽別館遺址無考孟縣金石載北魏司馬元興司馬景和諸

人墓誌俱晉武子孫

屹屹三城甲帳開少年都上鬪雞臺白坡流急黃河遠

只有寒鴉向北來

將帥置河陽三城使自北齊始鬪雞臺在孟縣西南五里唐時洛陽王公

貴戚歲時令節相聚會於此黃河先去孟縣城五里今南徙十餘里白坡渡即古灑波津河水至此急流數百

步並見縣志

氤氳春樹舊河陽寂寂人煙野戍荒花落花開無問處

曹坡曾否住曹孃

晉河陽舊治在今野戍鎮唐宋之間題曹孃墓詩昔日河陽縣氤氳香氣

多曹孃嬌態盡春樹不堪過縣志云墓在舊河陽或今之曹家坡是其地

蟻鬪中原事莫論苾山山脚陳雲昏河橋割卻頭顱去

瞻破當年賀六渾

謂高昂事見北史河橋舊址在孟縣西南三十五里

三春桃李滿花城莫向營花寨裏行一自黃門歸去後

後來腸斷玉溪生

野成鎮舊名營花寨即潘令課民種花處至今春時桃李猶爛漫云花城

之稱見舊碑刻

東下黃河日夜流白楊風斷墓門秋尚書畢竟輸紅粉

還有人尋燕子樓

張建封墓在孟縣西十六里西號村通志于孟縣及河南府兩載之并引

白樂天和關盼盼詩謂墓在府城東云

座上花憐頃刻春江淮別自有閒身青山卻對神仙冢

同是藍關道上人

韓湘墓在孟縣東五里曾有題其墓者云大唐神仙韓湘子之墓縣志據

昌黎詩集及賈島集謂文公赴潮湘實從行後官至大理丞其世傳席上閑牡丹一事據西陽雜俎謂文公疏

曇雲閣詩集卷五

從姪事其後歸江淮間不仕云云

蜻蛉山遠雁書遲愁絕凝妝獨坐時一段奇聞傳劇炕

至今風雨護殘碑

元至順間有張中順妻劉氏節行碑文已斷缺舊志云中順赴雲南十年

不返有里豪悅劉姿數使人給之曰中順亡矣當擇富貴者嫁劉以外誓後有男子寄夫信到坐其炕側及去

乃勵其炕越五年夫還至今相傳為勵炕夫人云

廟南廟北彩輦多夾道旗幡隊隊過誰向都堂取鈞旨

水官還說魏婆婆

孟俗禱雨有應必報賽奉神出遊謂之行水推直會者數人攝水官主其

事神輦用鐵裹長杠數十人舁之旗幡鼓樂闐咽街巷所費至數千金下戶無力出錢則云神怒以長杠衝其

牆壁門戶無弗傾摧者元至正間清源王廟碑陰有受都堂鈞旨節婦水官魏婆婆之語又有南水廟北水廟

並見

縣志

眼見銀鐙幾輩收招魂誰向驛東頭湘江春草隨他綠

蘆荻荒荒萬古秋明正德間劉瑾用事逮王守仁李孟陽諸人詔獄五官監楊源再疏陳星

變杖戍肅州外于河間驛妻皮氏斬蘆荻葬之驛門東後謚忠愍有司奉祠祀見明史及縣志無名氏投李西崖詩有回首湘江春草綠之句

麥舟圖詩呈梁方伯有序

道光己丑夏自河南奉先君子喪歸里其年冬蒞林方

伯倡集葬錢監司郡縣官各有助以庚寅正月舉窀穸

事畢屬同縣孫義盩作麥舟圖并為詩以獻

博施企前聖公善屬大儒天下命所託一心執其符維

公秉長德台曜澄天樞東南鎮旗節廓然宏遠謨時護理撫

曇雲閣詩集卷五

七

篆神化不言化太和相涵濡出手即霖雨如膏膏三吳

鴻文麗萬有効薄追韓蘇惻惻濟世懷心馨與之俱甄

藻徧寒穴陶冶資大鑑一邀鳳尾賞爭向龍門趨孤生

困涓澮清貧守萊蕪先大父宰閩中以廉稱永定建有生祠廿年抱鉛槧

輪鐵涓饑驅黃河走天上紅塵揚路隅血淚灑風木哀

彼巢林烏親喪不克葬百身莫贖辜素交有朱穆先容

為踟躕識公僅一面款誠末由輸因西生修謁於公得相見仁人務

周急不以疏賤殊麥舟倡高義義舉成斯須三族走相

告此事今則無鬱鬱松柏隴各各陳雜芻觀者助畚畚

聞者增歎吁光榮及泉壤九京倘可呼此恩重山嶽此

德淪肌膚既以慰幽室遑復嗟窮涂更叨齒牙獎生意

來菰蘆

葬事既畢薦為蘇郡守書記

春風一披拂澤朽兼華枯怔營

動方寸四十年已逾終恐負公意覲此七尺軀令名慚
勿墜何以鞭愚鴛憂樂關大賢功德卑浮屠善推自不
匱勿問乃有孚穆行契今昔激感陳斯圖撫肌那能報
敢用申區區

焦山還帶圖詩奉梁方伯

金焦對起江流東何物能鎮蛟龍宮左光右光照日月
元氣一脈獨賴匡扶功妙諦參五蘊軼事傳坡翁文襄
亦解帶事同心不同有明奄寺擅威福八黨搆陷蝨賊

墨雲閣詩集

卷五

八

訂龙衣金銑歎邊帥密策誅瑾眞英雄姚江功成與有
力想見帷幄除元兇輕裘緩帶不數羊叔子二城旣築
堅垣墉黃扉宣召職補袞開心副望袞公忠萬釘腰圍
寵方渥小人道長恨事歸韜璫中宵倚杖看牛斗飄然
挂席揚天風丁卯橋邊搆精舍水晶庵裏扶吟筇天吳
煩憂海若思雨雲變態狂瀾洶三南居士慨世路鬱鬱
經濟藏心胸特將此帶作砥柱都綱不用談機鋒茂祉
堂空待隱逸老園亦廢帶乎一失百載求無蹤維公之
來歲己丑練湖事畢春光融海門法界凌絕頂華裾蒨
佩羣僚從寶鼎眼觀雲篆古殘碑手剔苔衣濃方生題

句動嗟惜早辭佛刹依神叢緹巾朱匱一朝獻摩抄百
鹿鑄何工元珠到手豈偶爾不見岐陽石鼓艱遭逢山
靈歡欣故物在節幢到處精誠通海雲樓前光四射一
圍月影輝長虹金裝銀裝自有制異物那寶猩猩絳江
山鎮定年萬萬乾清坤靜一氣包衡嵩陽明平宸濠文
襄有力焉晚號
三南居士竝見滇南詩略小傳敕使往宣召黃屏典政
本股肱職補衣開心副子望永鎮江山萬萬年竝見世
宗賜文襄詩武宗命妙福爲三山都綱見丹徒志于制
府畱猩猩絳於金山見張九徵記張九成蓄犀帶一圍
中有月影見龍江夢餘錄倚杖看牛斗挂席揚天風見
文襄京口舟中感興詩風波世路多艱虞見石淙集待
隱逸老二闕名見文襄次韻答殷文濟詩緹巾未賈見
方豪玉帶歌元氣一脈須匡扶天吳愁海若思雨雲變
態晨昏殊狂瀾過之不敢狂衡嵩鎮定
乾爲之清坤歸其靜竝見文襄砥柱行

曇雲閣詩集

卷五

九

如皋黃楚翹印史書後

粵稽古法斗檢封周官注可徵司農秦章漢璽重金玉
螭文虎紐尊卑同方員隨手撥蠟鑄用之犀珀技益工
白石椎金珍祕府黃神佩券誇仙公後人易以花乳石
青田稷下兼搜攻楊王吾邨有譜錄經籍弗志靡所從
紛紛摹刻變書體大小篆或參魚龍本朝右文邁前
代三元八會俱牢籠南廬衍齋能鑒別誰其序者竹垞
翁瑀戈鉤帶竝傳世絕藝何必羞雕蟲黃君老矣癖嗜
古籀斯隸邈無不通四百方石運手挽二千年史羅心
胸彌綸首尾見鉤畫布置繁簡精磨礱蕭包宗匠付鐵

筆印史不數吳興功子昂有印史安得摩抄日一徧透雲香

壓芝泥紅

題梁方伯練湖三圖

憶昔甲申冬嚴寒水程滯曲阿逢故人前丹陽令王君類語我

練湖事興修見文牘源委考圖志頃周萬六千練湖一萬六千

頃漁洋句汎合八十四其始務田功環湖資灌溉其後運瀆

開漕艘賴以濟斗門與石礎節宣有深意自分上下湖

稍稍占厥地侵耕法雖嚴因循及唐季大哉瀆熙役錢

粟頗狼戾修復迄元明涵管或增置貪人快洩忿上湖

竟全廢田高蓄為難地衍淤亦易此水本天生升斗井

曇雲閣詩集卷五

十

所計安得還其原回買定四至西望道人墩煙柳夕含

翠日久遂荒閒隄埂棄弗治湖漕案猶在歌敘錄能記

豈無良有司要恐詠異議經畫待名賢裁決仰大吏

九重納嘉謀萬井騰喜氣暑寒勸磬鼓為國任勞動

關鑠恃兩牖工成謹啟閉試看舳艫來汨汨寒濤沸飛

輓旣無虞旱潦斯有備陳根去莠葑勝景足荷芰但須

固隄防慎毋惜經費我聞昔人言濟否在于制湖河制

相連所貴審形勢見國初邑令高聯履議復湖文河莊久厥厥歸漕

泥成例挑濬年復年民力漸彫劫仁人求瘼懷一舉百

無弊畚缶次第興緩急庶可賴濬孟濱為緩急可賴之一策見明郭思極疏時

方修孟 汪洋水流膏丹青喜宣示明睦石有練 尺寸皆

公功涓滴皆公惠穆然想淵停永保萬世利

題梁方伯淞泖扁舟圖

三江貫六郡伊古為通渠神功鑿垆阜湍流受具區一節關百節務令脈絡舒黃浦足宣洩東江名則虛劉河

卽婁江勢向東北趨吳淞實居中歸海之尾閭百川與

吐納一曲相縈紆自從石塘築規畫今昔殊衝激既失

利濫沙日墊淤斜趨掣江水涓涓勢亦孤夏駕新洋一河引江水斜

趨婁江致吳淞水弱見王文恪吳郡治水碑記頻年失修治旱澇均可虞澇更

甚於早極望空沮洳卽看癸未歲萬口咨淪胥浩博利

曇雲閣詩集 卷五 七

弗講民困何繇蘇我公總藩任小渙計大儲扁舟自相

度異議誰紛挐開濬始圓泖茭叢快剗除上源合陳澱

決滌奔歸墟中條大工集計日興畚鋤直流淺用浚支

流塞用疏延袤二百里一一表楬隳星鐙贊雨雪合作

齊驩呼惟二月丁亥宜大書特書道光八年二月十日吳淞江工竣

海匯一派利澤周三吳三吳財賦地高下仰灌輸圩田

水宜扞坦田水宜豬昔聞興四役役畢官無逋淞劉白

四大役相繼立白芾有舊壩孟瀆亦要涂邊海割灣漲舉康熙年間事

出江醜盤盃劉河奏准疏濬尚未劉淞別難易茲言

諒非誣說見慕中丞難者克先舉易者容緩圖書應上

郊亶法可參陳瑚吾民事切已全局資嘉謨東南肩此
責惟有梁大夫

題蘇鼇石觀察

廷玉

萬里看山圖

天節熊能明八星銀牌字燭三光廷
中朝執法重司
憲綱曹妙選惟其能蘇公銜
命使絕域高車出境

馳風霆龍盤鳳峙一回首霞采萬丈騰觚棧太行起伏
百巖嶺十二州界包圖經西蕃奧府足周覽左輔右翼
中如繩九峻七盤倚岸粵終南太乙披峻嶒悠悠旌旆
度隴坂鬱鬱岡阜連風陵馬頭三峰來嶽色濫激瓊萼
涵空青韓雌魏雄瞰河沿天包地絡區渭涇名箋鳥鼠

曇雲閣詩集

卷五

十一

證禹導瑞紀鸞鸞誇周興王母山高不可見但有雲氣
遮千層珣岑珠岫幻青白誰將駁馬圖山形賀蘭西去
接邊塞放眼直至侖頭亭鶉分星野曠肅肅虎位雲巖
開冥冥黃河青海界一綫玉堂石室觴百靈梯棧路通
物琛麗伊涼曲奏聲鏘凝風恬雲徹角符燦馳四乘傳
車鞦較看山之樂有如此快若萬里長風乘鳳耶峩我
毓人傑九霄變化看鷗鵬層岳衍岫盡培塿蓬萊高處
身先登

君以庶
常改部

鑿空每陋博望使好大不慕燕然銘宣

美風化示無外龍堆馬邑比戶庭卽今三吳仰膏雨香

花緣道畱屏篁鏤鑰自堪西北寄謳歌先向東南聽

君

蘇郡守擢授延榆
綬道尚未之任
老我蠻荒十九載
叢篁密箐驅凌兢

豈有山神致金馬
卻從邊徼窮青蛉
披圖不覺神氣爽
森然太華當胸膺
潤同江海惠邛阜
是仁者樂福所憑

四岳九牧重方任
維三帝簡在資藩屏

商河路節婦詩

無衣無食去鄉里去
不幾年夫竟歿
夫歿婦當隨上有
舅姑下有子
養我舅姑撫我子
妾心波瀾誓不起
朝織暮織苦十指
十指苦苦未已
艱難連兩喪
喪葬畢料理
撫兒長成爲兒婚
有事付兒兒可恃
一堆白骨幾時還
夜夜丈夫魂
夢裏嗚呼兒
又一兒一事已矣
天乎天乎

曇雲閣詩集

卷五

三

乃至此青山
峩峩石齒齒
石不爛黃泉底
婦之葬也族
人書其夫名

於石納
之曠中
五十五年苦節完
道光己丑四月事
叶請以此

詩告太史宗乾名曰路氏子三光婦姓李商河縣其居

址故不詳長歌贈章邱焦笠泉同年

友麟
無乃長歌贈章邱焦笠泉同年

滄溟一粟浮蓬萊
白日冷照金銀臺
神仙富貴安有哉
不如蒲州美酒一
飲三百杯
世上但少青蓮才
前年訪君不得面
驅車重來喜相見
歡我方知意氣真
千人早覺文章賤
天門蕩蕩星斗高
君也磊落人中豪
金羈玉軌竝馳騫
手執旗鼓雄吾曹
逍遙先生放逸友
投我詩

篇飲我酒酒酣不怕四座驚得毋通脫嘲幾卿涼蟬在
樹月在地一枝橫竹吹秋聲秋聲悽悽感余抱兩鬢如
絲歎將老馬前何必有八騶壯歲如君百事好我所思
兮東海東渤溟雲氣開心胸安得與君涉鯢渚臨鮫宮
流霞倒吸樽桑紅我所思兮北山北巖光下燭龍邨宅
安得與君訪荔蘿朋松石家僮代耕侍兒織便不封侯
計亦得君不見尋章摘句迂儒迂欄牛圈鹿愚夫愚又
不見朝挾刺夕曳裾伊優夜客堂上趨媚行煙視工作
兒女態膺肺莫測一簧兩舌生毀譽男兒昂藏七尺軀
六鑿不攘吾還吾萬人海中縮鼻笑西行東望空紛挐
墨雲閣詩集 卷五 西

有酒不飲胡爲乎
大明湖獨泛

一片蕭寥意閒鷗不可呼晴空見城郭秋響入菰蒲海
右客初到水香亭已無句畱能幾日吾欲比西湖

章邱吳大令招同人集宴女郎山卽事二首

大令名璋

歸安人爲
余姑之夫

蘿荔幽修石磴斜神仙洞壑閱丹霞偶逢佳日休辭醉
但有名山便可家清德傳來聽婦孺綠雲多處見桑麻

謝公裙屐風流甚不比河陽只種花

夾道松杉翠不分飛空傑閣護層雲摩挲斷碣苔痕化
寂靜諸天鶴響聞檻外煙嵐齊繞郭座中賓佐總能文
太平時節笙歌好歸去家家說使君

重九日吳大令招集女郎山

手把茱萸喜益簪秋山雨後快登臨翠痕入畫亭臺古
霜氣添寒洞壑深九月笙歌宜菊部萬家煙樹想棠陰
眼前一幅幽風稿須識年來長吏心

壬辰三月二十一日潘

曾瑩曾綬

招同朱

綬吳嘉

游崇效長椿諸寺得四絕句

茶話僧寮也夙緣莫教歸思動青鵲眼中人爲看花老

曇雲閣詩集

卷五

五

不到春明又十年

軟紅消處斲車聲照眼光分外明誰與山僧管縑素

我來顛倒看題名

主僧出示拙公紅杏青松圖多國初諸公題識有重裝池者遂先後失

次

寂寞琳宮畫不開層層金碧護蓮臺大伊山色還如舊

瓔珞香身感劫灰

長椿寺觀明崇正庚辰年孝純劉太后繪像后海州人

幾番花事足幽探難得良朋有二三更向城南訪張籍

一星佛火照詩龕

同訪亭甫於蓮花寺

通籍述懷

豈是承明著作才居然身到玉清來西垣月色連中禁

東壁星文應上台詞賦頓教聲價重年華無奈鬢絲催
搖鞭試問長安道茸帽涼衫卻幾回

庚午癸酉辛巳三應京兆試今秋將

乞假

出都

風氣意入林學下草師平林翠滿都賦西五日

雙橋橋外樹蒼蒼

先瑩所在

一慟皋魚最可傷此日杏園纔

挂綠幾時松壠許焚黃便邀升斗終何補曾助金錢那

得忘看取麥舟圖尚在離情千折繞滄浪

己丑冬菴林方伯倡集葬

費繪有麥舟圖紀事方伯於今年夏

屬疾旋里吾蘇滄浪亭公所葺也

話到朋交總黯然吳門煙樹白門船懷中字尚藏三歲

澹懷菊潭

夢裏人多隔九泉

叻友菊泉明府善舟太守諸君

守黑可能

同老子還丹且許伴神仙早思一第酬知己慚媿當初

曇雲閣詩集

卷五

六

不著鞭

苦吟那有筆如神漫比司空第四人

春榜名列第四鈴索深嚴

飛白署車輪來去軟紅塵一般燈燭休嫌晚廿載齋鹽

不畏貧肯把蒼生真懷抱思量畢竟宰官身

五月二十九日樹齋師徐廉峰前輩招集陶然亭

大區駐曦輪鬱隆畏炎夏東華盛簪裾玉堂喜清暇避

暑荷嘉招晨催僕夫駕逕登江翁亭凌虛敞風榭開襟

散鬱陶涼意入杯罈千章俯平林眾綠浩如瀉西山自

宕巽雲氣不能下沛然望甘膏秋收足禾稼經濟仰我

師丹青醞神化南臺肅霜稜雄緊責難謝

師已御史記名憂樂

天下關高會漫誇說

詞臣職中祕清要世所崇觥觥壺園集肆好懷其風苦

岑敦夙契藝圃傳無窮廉峰前輩刊有苔岑集感彼沈淪士賴此

揆揚功小子媿荒落大雅開屯蒙寓居門巷近選日尊

疊同登高發遐想山色青蒼中故鄉豈不好蹤跡嗟飄

蓬金閨忝通籍筆札終難工勞生念八口儉歲咨三農

江天渺音息極目南飛鴻

題仰山司寇師京江曉渡圖

天節星明使者來重臣威望肅中臺江清樓閣依山見

風靜魚龍掣浪回精白豈遼堪事譽激揚原賴濟時才

曇雲閣詩集

卷五

七

嚴程早晚關君念一覽金焦柁鼓催

聽松圖詩呈仰山師時奉

命爲科布多辦事

大臣

首山絕頂曠煙霧謾謾長風起松樹三十年後名公卿

七歲登高已能賦虬枝千尺高崔巍扶輿旁薄梁棟材

東觀校書直內苑南省讀律躋中臺侍郎本是文章伯

鳳味堂前提玉尺一丸初服孤進丹百卷都依元化格

臣心精白帝帝心知能處大事決大疑八閩三晉滇

豫楚口銜天天憲轎車馳金吾銀檠符分佩明光奏

事容占對春水方生拒馬河秋卿又到盧龍塞公由司寇改授

馬蘭鎮總兵旋召入爲京卿

從來宦海易升沈闔外區中想德音塵

定軒開暫休沐松風彈入鸞來琴 聖朝曷宇廓九有

直北邊隅重防守柳城萬樹踈長條載詠皇華驅四牡

閭闔門高見使星我師神化昭丹青松生早定三公位

他日音聲樹可聽

題樹齋師思樹芳蘭圖

空谷足幽討蕭然蘿荔深芬芳自盈把寂寞幾知音蓬

聞得清氣匡廬想舊吟揆揚徧巖穴方不負初心

簪筆趨中禁頭銜第一官所思曠風露此地本高寒羣

卉向榮早孤根得氣難夙生真沆漈欣當國香看予鄉會皆

曇雲閣詩集卷五

六

出師門

八月三日送仰山師赴科布多辦事大臣之任

保障隆邊寄綏懷倚重臣 主恩周絕域公望本無

倫命拜 螭坳日歡生虎落春堂堂都護府四萬譯來

賓

極望烏梁海嚴程計六千自西多部落直北靜風煙月

竊蕃王幕星文使者廬一心堅報 國須鬢覺蒼然今年

公四十有八須髮半白矣

臣職原無忝 君心已有孚艱難爲家計 體恤到

官逋 公有代賠之款特旨緩繳 攬轡酬初志籌邊見遠謀 恩

綸煥行色那更惜馳驅

此日乘狨座風吹八月寒何時歸鳳闕月向九霄看列

戍雄筓角高秋肅羽翰門生待重到尊酒話長安時將乞假

歸里

題徐夔典西溪丙舍圖

昨歲看秋榜涼風十月天時予在章耶遙知京口渡催上孝

廉船惻惻思孤進沈沈告九泉鮮民同此恨不覺涕潛

然

相知已十載日下始相親朋輩感離合文章有屈伸清

時宜努力吾道莫憂貧得意春風裏期君第一人

曇雲閣詩集

卷五

九

誓墓文休擬千秋重顯揚歸心漫根觸客思總蒼涼匣

有豐城劒捫之星斗光穹碑一丈二雷與表瀧岡

宦成歸亦好隨處足幽棲世味同雞肋勞生悟馬蹏如

容挂帆席相約到西溪萬樹梅花發毋忘酒一桮

讀藤花吟館詩用昌黎韻寄梁方伯

大雅手獨挽元音耳共聆淵深出奧旨披豁無潛形洪

輝吐萬藻初珠孕千齡東瀛鵠鷗跂西掖鵷鸞停霞情

揮綠綺虹采騰青萍七籤探妙笈百家窺祕經澄懷洗

月露壯詞挾風霆禁花環上苑宮柳搖疏櫺黃閣早題

適紫宸合稱丁仙韶快鳴節俗樂啞拊甌疇嫌一塵出

羣喜八表甯嶽興雲澎漚川涪泉清冷閱茲鴻雁苦驅
彼蛟龍腥千堆籌葦蕩一穰周蘆汀源源有條理浩浩
開重冥任乃重九牧量可包四溟勝遊緬曩日佳約期
幽局命觴集良友當歌卻妙伶有斐美衛澳無邪申魯
駟霜晨試盤馬月夕催揚舲躡屩飛霞觀褰衣綠波亭
西巖記說虎東遊誇澆瑩見瑞巖虎
嘯巖諸作圖從福地校夢向
靈峰醒鄉國證鴻爪天風吹鶴翎題襟思渺渺刻燭光
熒熒漢關扈清蹕遼水指冷陘簪豪近畫日引手高
捫星驂驪美侍從冠裳肅儀型江流混同碧山合巫閭
青諸天呈色相百怪授伶俦篆室購奇字書堂別殘銘

曇雲閣詩集

卷五

三

似鼎別眞贋如水分涓涇碎宜初百納細或舉寸莖高
文玩碧落私印珍黃庭籀難識周鼓隸孰稽秦罔種椎
健摹揚金石通精靈餘事徵瓌蛄小言體焦螟握蘭蘭
襲佩護菊菊綴鈴韻描畫蜨活曲奏琴魚聽金鑪熏藹
萬瑀槃頌玲玲一品撰相集十聯題御屏紙鈔萬口誦
墨妙千秋馨孤生憾荒落弱歲嗟飄零庸庸嘲社櫟忽
忽數階莫磯深涉黃鵠微遠窮青蛉依人媿鉛槧生我
哀疊餅煦沫有轍鮒急難無原鶴龍門詡聲價鶉膏待
碧矧絲竹聽魯壁笙鏞媿虞廷恆願賦嘉樹閒話編都

廳宋錢文僖守西都時
事見邵氏聞見錄

五十秦樓

秦樓女伴快乘鸞獨向星辰脈脈看一道銀河容易渡

夜深風露不知寒

癸巳十月至海州之板浦訪謝大令元淮於青口

豈意來淮北相逢在海東一年官已換再宿路難通板浦

距青口百一十里涂中泥濘三日始至

山暗天將雪廳虛夜有風故人頻

勸酒燭影十分紅

客板浦作示從弟埔

吾亦嗟蓬轉嚴冬向海濱魚鹽經國計鮭菜去鄉人曲

折河千里廉纖雨一旬幾時容市隱畱取五湖身

曇雲閣詩集卷五

三

題海州許茂雲臺埽墓圖

海上難尋土一坏山人指點白雲隈君葬先人地為雲臺山人孫君所贈

郁洲本是眞靈地無數峰巒護券臺

題張亨甫際亮博陵秋眺圖

雙鬢滿行色巖城驅馬過天隨雕影闊秋入雁聲多慷

慨橫奇志登臨足浩歌壯遊吾亦慣三載客三河

漢晉分疆索幽燕重戍防才人一憑弔落日自蒼涼莽

莽客愁古蕭蕭風葉黃不須歎遲暮且醉酒壚旁

乙未仲夏北上錄別二首

五十為京宦全家去故鄉親朋各慰藉煙水自蒼涼歷

歷舊游在縣縣征路長楞伽青一角歸夢幾時忘

臨別難爲別平生交最親琴心一夕語謂澹懷與琴姬事藥裏

百年身西生病未愈月落寒山寺風吹楊子津鄉關重回首

莫厭尺書頻

六月十九日渡河至王家營作示鐵香弟壩并寄

鄴仙弟承憲板浦

淮北淮南幾度過此身未得臥煙蘿田園可守休爲客

風浪難行又渡河黃水漲甚官路明朝車轍大驛樓連夜雨

聲多看花勿忘長安約一紙題名盼桂科鄴仙將赴金陵秋試

途中雜詩

曇雲閣詩集

卷五

五

鈴鐸郎當人語譁黃昏逢店卽爲家兒童僵臥頭觸壁

前日苦船今苦車呂種玉言鯖云苦音庫卽俗所謂注船也

一程半程行路遲軟泥滑漣兩涔濟車箱重似載瓦甕

雲氣黑于翻墨池

烏鵲橋西太平巷朝朝鮮菜憶家鄉堆盤硬餅不容嚼

此是畱侯辟穀方

三杯濁醪招我魂斜風吹戶燭光昏廉纖雨腳不曾住

雄雞一聲開店門

程程方馬埋輪路日日盲風怪雨天只道三旬宜袵綌

那知六月要裝縣

樹間爭宿荒鴉定壁上題詩過客畱一樣團園茅屋底
孺人蓬鬢子蓬頭

水宴林嬉懷故土通闌帶闌說京華九回河路兼山路

自庚午北上至今
已往返九度矣十口前車與後車眷屬十人車五乘
兩阻中山店兩車

馬乏不前乃
先後就道

燕南趙北驅車過不見波心紅蓼開用何承矩
守瓦橋事十二連

橋橋盡處滿籃提得鯉魚來

渡船偏仄中流險泥輒從衡跋路迷裁得溫暘日光露

耳邊又聽鶉鴉啼

途中苦雨作

曇雲閣詩集卷五

三

濃雲壓山千里陰爛泥膠車一尺深團團夜圍蝸殼舍

寸寸步入牛蹶涔危橋凌兢策瘦馬叢木窈窕啼怪禽

安得炎官號令出爲掃積翳驅愁霖

閏六月望日至都作示馬三同年吳二表弟

辛苦將車大道塵風風雨雨又經旬可知聽鼓應官日

已是拖泥帶水人比歲江淮勞作客連宵羹飯喜畱賓

雲樓不見談詩地蕭兀還教著此身

賃居北柳巷作

瑣屑復瑣屑曰余今有家十年去鄉里僑居秦
州十載幾度滯

京華三赴京
兆試架上叢殘卷門前薄笨車故人記同巷作

宦又天涯

壬辰計偕于庭寓南柳巷今官湖南

乙未長至日同年馬比部

學易

舉消寒第一集賦

中朝得長句二首卽示同年嚴編修

良訓

工部彭

章胡希周陶惟模

鄉音爛漫喜同官欲問金吾飲未闌四座星郎貂服貴

詠我以軍機章京得服貂

一天霜氣鳳城寒消磨世事催華髮指點

時光應射于老大不須愁俸薄今宵得酒且爲歡

錦帳金鑪夜直衾西曹無事集華簪幾番燈火消寒會

卅載江湖感舊心暢好酒懷判酌酹早知宦路異升沈

天風吹得銀河凍回首瓊宮不可尋

天風吹我下瓊宮東坡句

曇雲閣詩集

卷五

五

十二月十九立春日樹齋師招同葉鴻臚筠潭前

輩郭羽可舍人黃香鐵簡夢巖艾至堂三孝廉

集飲以盤出高門行白玉分韻得白字

東風徐迴動簾額太平鼓響銅駝陌春盤正是臘會時

羣公高宴鴻臚宅重洋遠致縹膠美

飲次出西洋酒共酌之味極醇旨

生菜細看紅甲坼圍鑪說餅亦大佳佳話他年志今夕

吾師光名滿天下西江早仰文章伯挽底新篇出機杼

胸中時事紆籌策郭黃簡艾人中豪接迹風騷有詩癖

相見都敦僑札歡高吟不學齊梁格西颿東浪歎蓬轉

自知此事無能役舊遊卻憶廿載前布袍久作長安客

癸酉都門度歲迄
今二十一載矣

孤寒難把勝日酬
暗暎時間老輩惜

吳興詞臣初出守
敷歷外臺聲藉藉

謂筠潭前輩

揭來拄笏

作京卿東山已謝
蒼生責升沈消息
詎可知過眼飛光

真一擲玉梅花開
乾鵲噪卻喜龍門
湊裙屐尊前且放

醉顏醺不知身自
蓬萊謫僦居同在
宣南坊來去車聲

聽絡繹插頭幡勝
入新年揮手江湖
感疇昔一笑馬周

五十過華燈照見
霜毛白

丙申正月二十四
日消寒第九集詩
以代柬卽示

一山前輩姓舫迪
甫吉人三同年實
甫詠莪芝

塘三工部

曇雲閣詩集

卷五

五

東風吹起軟紅塵
彈指寒消九九辰
遲我一鷗將進酒

送他五馬去班春

迪甫出守建昌行有期矣

宦情漸作沾泥絮
鄉味

還思下政尊亥卯
未羹都不辦諸公
休笑阮廚貧

正月十九日葉筠
潭前輩招同樹齋
師郭羽可舍

人簡夢岩黃香鐵
艾至堂三孝廉遊
白雲觀歸

飲邱齋拈韻得人
字

去年雲臺登絕頂
一望海氣青無垠
圖經指點十洲是

可惜不見仙真人

雲臺山卽郁洲山十洲之一見海州志

歸攜妻孥到日

下夜視星斗疲闕
津條風入律時序
換耳邊春鳥啼鴉

鷓鴣臚招我燕九
日連翩走馬西城
闔蒼松環護白雲

觀層臺傑閣高嶙峋肩摩踵接萬人海不知擾擾來何
因黃冠者流習趺坐頭生蟣蝨衣懸鶉便巢神山亦良
苦豈有十賚榮其身片言止殺功德大至今卻憶耶長
春摩抄遺鉢動感喟長願劫火消青燐延祥枯柏今在
否何當策杖披荒榛棲心絕穀了無術還以美酒沃我
脣高齋熒熒照華燭鴉鸞鶯鶯推朝倫偶然名氏附瓊
簡其奈歲月馳飄輪九衢人靜落鐙後涼蟾鋪地光流
銀未須導養問靈囿且用醕酌酬嘉辰明朝官事相促
迫軟紅吹起東華塵

明日開印故云

三月九日同編修賈

璩農部錢

步文

劉仲珪

儀部

曇雲閣詩集

卷五

五

張廷瑞

諸同年奉邀樹齋師遊花之寺看海棠

飯後過崇效寺樹齋師見示三絕句依數有作

遲日溫風酒半醺上方鐘磬靜中間春陰欲向天公借

惆悵花時已十分

空谷誰將絕豔誇當年流落恨天涯一耶一壑談何易

且看長安幾度花

紅杏青松入畫圖諸公墨妙未模黏西來閣下花如許

帚屐風流比得無

四月四日樹齋師葉筠潭徐廉峰黃渠卿前輩汪

孟慈陳頌南招集江亭仿蘭亭四十二人孟慈

出所藏宋刻禊帖褻池成卷將送之棗花寺中
溫翰初繪江亭展禊圖于其次紀事同作

大化自推移悠悠孰司柄盛時各已當毋爲慨年命端
居違俗尚寡營識吾性京輦夏日佳襟裾發高興觴詠
繼前賢簪盍斯可慶江亭城之南於焉攬幽勝西山鬱
岩巖嵐翠雨餘孕微風動菰蘆蕭寥滿清聽邈矣達士
胸俯仰氣空橫妙手繪作圖主人重有請禊事曠千載
定武本猶贖三紙拓氈椎肥瘦紛考證雲煙瞥眼過脫
手便如贈棗花古招提長卷志名姓寺藏青松紅杏圖
卷子國初以來
題著甚夥寶此竝弄藏送者以詩媵古今一逝川去來本無
曇雲閣詩集卷五

毛

竟且飲釭面酒一醉百憂屏餘花紅作妍短柳綠含暝
軟塵十丈飛疏寮覺風磬

十二月十三日夜得大雪次日舉消寒第六集詠

莪工部有詩紀事卽次其韻并示諸君

擁鑪坐對相如壁冰上車聲聽額頰俄看飄瞥旋雰霏
漫天風緊吹無力道旁豈無噤凍人卻喜豐年兆盈尺
帝心早已格吳穹天況真能降靈澤蝗蝻

不生餅餌熟先爲三農浮一白玉堂宜作飛白書大書

美禾又美麥謂姓水曹散直發清興圓壁方珪工刻畫

君詩有看盡方豐貂入座無急衰失笑當年呼老賊見世

說
散盤宛轉叫雉盧銀燭高燒共歡劇始知滕六大解
事傾尊不負消寒夕今年此會尚無詩君詩可抵連城
璧

丁酉仲夏受積堂經歷慶源自沂州至都喜贈此

篇卽題其詩集後

姑蘇城外烏啼處片帆送子錢唐去玉梅花開春水生
我來十日西湖住招邀暫結鷗鷺緣離情觸撥琵琶絃
江湖在地月在天美人音塵二十年丙子冬與君同在
雲柯中丞幕中君
旋以疾歸里戊寅正月同人爲西
冷之遊復得相見迄今廿載矣年年楊柳枝條枉
攀折吹殺鯉魚風相思中斷絕鷓鴣飛歷走勞關津軟紅

曇雲閣詩集

卷五

笑

十丈東華塵有舌長卷眉不伸手拍銅斗看星辰維摩

示疾天女笑兩耳松風號萬竅予方
病聾當關報道故人來

一徑蒼苔爲君埽長安故人今無多幽夢夜落山之阿

我欲酌子金叵羅五十已過休蹉跎參軍早入芙蓉幕

陳芳國中互醺醉那容歸計買烏犍時有高歌碎黃鶴

如君才調自不羣贈我十帙濃香熏見示小栗山
房詩鈔十卷君詩

正似范亨父秋空杳杳吹行雲雲從泰山來歿薄含風

雷男兒仕宦亦快哉他年爲政及齊魯勿使泰山老婦

哀

題焦司馬家麟瑞麥圖時爲公安縣令

大麥青青小麥黃動我碌碡埽我場村雞哢哢午飯香
四月五月農夫忙農夫手中兩歧穗千人萬人說祥瑞
自從令尹來事事都如意祈雨境則雨祈霽境則霽自
擊社鼓犬不驚民安堵麥青青好官府

大麥黃黃小麥熟今年春收十分足村前村後聽連枷
又聽聲聲啼穫穀犁耙上岸秧可下三歧兩歧麥滿把
自從令尹勸農來桑麻徧地無汗萊丁男耕田女織布
不耕不織令尹怒五風十雨太平時年年官不催租賦
租早完腹長飽民安居吏弗擾麥黃黃官府好

曇雲閣詩集

卷五

三

病起書懷

兼旬藥裹證勞生攬鏡華顛百感并戶退尚難疏酒醖
酒家有退戶法見言鯖眼昏漸欲廢鑿菜舊交幾輩長相憶老雨
連番不肯晴多少玉樓金埒地空教惆悵少年行

感事

聽說銀鐺詔獄收五更屋角叫鴉鷓原知身世同秦贅
不料衣冠作楚囚薏苡明珠憐馬援鮭蠶罔象說莊周
荷戈絕塞尋常事羅雀門庭有白頭

沈朗亭亮

至都應京兆試即贈

前年元夕城東游美人酌我樓上頭隔簾風雨暗紅燭

與君爛醉頗黎甌君先別我海陵去海陵講堂我曾住

君時主講泰州手種芭蕉幾許長十載前塵渺雲霧鸞鳩決起

搶榆枋頭銜換得西曹郎侏儒飽外臣朔餓况復兼旬

事藥裏文通武達百不如蟬腹龜腸我則那長衢日日

馳羸驂君來歡喜朋盍簪口瘡肘胝者誰子覓舉如君

易易爾君亦蹉跎三十強銅駝觀國其時矣相逢且貰

旗亭酒燕臺風味君知否唱到黃河遠上詞君詩定出

雙鬢口詩人身世都可嗟江南臘盡來公車謂酉生問生清如諸

君先向東風祝利市諸公好看長安花

閔刑詩示同司諸君

曇雲閣詩集

卷五

用兵不得已用刑亦如之如何好肌膚坐使成瘡痍周

孔不世出風化誰轉移可憐虫虫氓令甲安從知小偷

出污赭無奈寒與飢桑中有期約婚姻失其時科條一

朝犯貫索聲纍纍我儕事場屋墨卷恆吾伊一著惠文

冠稜稜面生威開口講律例剖析若繭絲老姦與宿蠹

往往難窮治可憐虫虫氓收縛供榜笞堂皇據几案約

略聽其辭爰書手自定操筆無然疑於法豈云枉準情

斯為宜得情且勿喜矧乃捶楚施毋學酷吏酷當念慈

母慈欽哉惟刑恤敢以告同司前惠州雲霧縣尉

與孫對雪有懷里中諸君好詩刻去而刻精定好曾主

京華三載故人疏

朱酉沈閏生

還通尺一書記得山塘酒

樓上滿天風雪送公車

癸巳正月十九日事

臘月四日雪後偉卿前輩招同琴南吉人桂門小

郎署迴翔久吾儕興尚豪深杯五人共殘雪一亭高向

夕先車從西風吹鬢毛巖城燈火隔已覺醉醅醕

子與吉人

先出城或問且索琴無圖精意愈無心感而琴為發吾文

不當題蔣澹懷志凝琴廡圖有序

道光乙未夏五歸自海州之胸浦將辦嚴北行吾友澹

懷客謝二明府館舍晝夕必面謂余曰琴君子不知之

曇雲閣詩集卷五

乎方當盛年蔽門擇對眎富兒貴人齷齪也其為我合

之余諾偕訪之東美巷中酒道吾友才而貧顧非佳人

不當意琴君曰某之願也告母氏嫁焉余既至京師得

吾友問且索琴廡圖詩忽忽無以應而琴君從吾友於

淮北者兩年近居無錫去海濱斥鹵之鄉就湖山佳勝

之地吁其樂矣余嘗悲吾友生平遭遇之窮而善琴君

之能擇所天也爰賦此篇凡三百九十二字云

蔣侯名重江南北吳箋寫破桃花色傷別傷春無限情

侘傺幽憂滿胸臆家山大好恨無家重見閭門萼綠華
郎意纏繚初作繭妾年少盛尚如花花葉春春畱住

蔣錫綬

上竹鮎魚笑此官詩情休似宦情闌香熏畫省猶為客

幼竹未娶古廉亦索居身住瓊樓不覺寒未倒餅罍卿莫去若譚

鐘鼎我無干中廚商略南烹味麩炭籠鑪卜夜歡日暮半鑪

麩炭火香山句

那有華燈照錦衾離披菊影上朝簪益荷將殘矣珠璣自出

才人手清如出示近著花月難消壯歲心萬瓦霜鋪天漠漠九

衢車斷漏沈沈鄉思又逐征鴻發蕪葉橫塘夢許尋時有

鄉人南下者

十二月消寒第二集賦女兒酒作示同人

曇雲閣詩集卷五

三

醉舞吳宮說館娃苧蘿村是酒人家藏來金屋宜三酸

捧到瓊卮勝百花京口酒名綵筆重重紅照日暖波濺灩碧

生霞銀槎催得雙星渡銀槎杯名元朱碧山製不用蒲臺送一車

出西直門口占一截句

白塔煙迷望未真一天寒氣護重圍雷聲碾盡雙輪鐵

迎面西山冷笑人

題廣平沈西雍太守清載酒訪詩圖三首

訪詩如訪山幽處不易尋訪詩如訪友每嗟商與參秋

容澹將夕江水深復深碧蘆紅樹間中有款乃音清氣

曠相感寫此寂莫心撫絃長裴回命酒自酌斟雲中雙

白鶴招君山之岑

君今縮郡符於昔為涪州叢臺已榛莽漳水日夜流太

守政多暇金石喜廣按君方輒常山貞石志蒼涼感陳迹宜付秦

青謳興來展圖畫歸夢輕于鷗河聲哀浦月樹色雷塘

秋余亦去鄉里安能權扁舟不棄雲對春次三日

西風吹薊門離色滿煙柳蕭騷兩鬢絲與君別已久一

官帶郎曹事事在人後頗思年少時裏糧萬山走二十年

一自滇黔兩粵豫章而浙而吳游歷萬餘里索居廢詩篇人琴痛吾友西生新逝

感君懷舊心千里寄瓊玖見寄恆陽詠古石刻江湖歸不歸何時

共尊酒

曇雲閣詩集 卷五

五

病中讀西生遺集 辛丑三月十一日

手披詩卷君何在身滯郎官我亦衰一榻病眠鄉夢熟

九京心事故交知難忘燕市重來約那得鯁溪再見時

潦倒只宜傾濁酒人間猶自有袁絲寒澗萬山去

病遣

紙窗風細篆煙沈欲檢殘書懶不禁雪後春光三日好

春雪連縣病中歸思五湖深怕看法吏張文綱喜聽官

軍奏捷音摩腹消搖能健飯軟紅何事戀朝簪宜甘秦

紙薦

盡作空中響年時已慣聞長繩休斷續歧路恐紛紜豈

曇雲閣詩集卷六

吳縣 曹楝堅 民甫

慈航寺小憩

寺在安肅境舊名普渡方恪敏設養濟院於此後人祠祀焉

難得清涼境肩輿此暫過寒雲遮薊樹春水候曹河來
去因誰識塵勞閱已多桐城有遺愛祠宇冒煙蘿

保定詠古

三關遺跡莽縱橫形勢天然控北平尚有陂塘沈苑泊
已無營壘壁陽城幽并以外皆屏障遼宋之間幾戰爭
今日東南重防守劍鋒一為掃檣槍

井陘關

亦名故關即北天門上有雲霄寺

曇雲閣詩集

卷六

一

五更雞唱使車行獲鹿東來第一程大將英威漢旗鼓
嚴關形勢趙干城東天門有閣題曰趙之干城晴開萬壑煙雲氣風

入諸天梵唄聲太息山河空恃險書生何事更談兵

青玉峽

在柏井驛西二里

山行忽紆迴一路入深碧攢空截窈冥遞互排崩劣何
年菑菑開擘此太古石不知松吹生到耳但清激鏡山
云最佳天光逗圓隙手無九節筇倏惚媿行役即此足
幽賞苔蘚漬雙屐林煙擺餘青雲氣滃微白一水緜蔓
弱羣峰井陘偈蜿蜒比擗嶺直豎蒼龍脊想見伏雨來
飛瀑挂千尺行人不可畱大書在石壁鏡山在柏井鎮西北四山環繞

窺天一隙圓光若鏡見一統志華嶽蒼龍嶺謂之擗嶺見水經注峽旁石上大書此處不可避雨六字

介休道中

西風撲面捲紅旌殘雪溪橋鼓吹行

是日縣令以鼓樂儀從來迺

平

野自盤雕影上好山都向馬頭迎秦雲晉水年前路綵勝桃符別後情綵上祗今祠宇在塵勞何事戀簪纓

洪洞謁皋陶祠分韻得期字

遺跡尋科斗穹然有墓碑一堂稱邁種千古此昌期羊獬猶村舍神靈永護持至今尊法律再拜仰崇祠

洪洞早發夜宿史村驛

喔喔雞聲裏征涂戒夙興林煙多著樹澗水不流冰陶

曇雲閣詩集

卷六

二

復遺風在新年市物增昏雅向何處遙見驛前鐙

高壁嶺淮陰侯墓

水斷汾河白山連太岳青何年有祠墓終古想英靈往

事悲鐘室奇軍下井陘還思馬道驛追騎不曾停

肅相國追

韓侯處

豫讓橋

豫讓橋頭過西風吹面寒從來論知遇國土受恩難

西嶽廟

碧瓦環飛觀珠旒儼邃宮百川走河渭一氣接恆嵩箭筈天門對風雲帝座通如聞鈞樂奏笙鶴滿空中

華州道中早行

未漏晨光促馬馳
擁裘霜氣尚淒淒
斷橋橫路澗泉響
殘葉滿林山月低
寂靜關城初過雁
荒寒村落遠聞雞
梅花羌筴聲聲怨
莫遣行人更向西

驪山

幾處離宮複道連
君王十月幸湯泉
羽林隊裏親擐甲
猶記開元講武年
魚龍鳧雁欲飛時
又報華清產玉芝
那是津陽門外路
至今腸斷鄭嵎詩

灞橋作

曇雲閣詩集卷六

三

臨潼西去灞陵橋
花未開時絮未飄
似我都無離別恨
一鞭斜日也魂銷

擬唐人

江南花落子規啼
三月春陰覆馬蹏
陌上青青萬楊柳
行人知在灞橋西
小五臺

在西安城西北隅

北向秦山迴東流
渭水寬高臺幾興廢
一覽古長安

富中丞招遊崇仁寺

出郭尋蘭若紅旌拂面低
松篁臺左右碑碣殿東西
野煙蕪散諸天梵
唄齊好參羅漢果
畱與證鴻泥

寺有五

秦中雜詠十六首

奇巧應輸子午臺建章宮殿鬱崔巍瓦當畱得西京字

都是昆明劫後灰始皇起雲明臺子時起工午時已畢因謂之子午臺見秦記

火珠璀璨照麒麟御苑梨花九月春天上踏歌聲不住

又看二十丈鐙輪九月梨花則天時事見五行志

供奉梨園弟子多左坊教舞右坊歌清明時節拋毬好

贏得官家笑拔河

朝紅午碧牡丹枝捧上妝臺酒一卮更乞驪山栽萬本

內人早起喚花師洛人宋單父能種藝內人呼為花師見龍城錄

曇雲閣詩集卷六

四

竹榭花蹊點綴工長門秋怨寫梧桐若教花萼樓頭望

不見甯王玉面驄見宣和畫譜龍城錄

妃子琵琶感鳳槽清元小殿曲聲高花膚雪豔都消歇

賸有紅絲羯鼓絙官舍梁上有紅絙羯鼓絙見尚友錄

空山鈴語聽郎當汾水秋風雁幾行開遠門前呼萬歲

不知南內最淒涼明皇自蜀回肅宗迎駕入開遠門者老皆呼萬歲事見鄭嵎津陽門詩注

風裏楊花恨最多南山山下犢車過相逢那是藍橋驛

夜雨蕭蕭鄂渚波風裏楊花只片時犢車麗女詩見全唐詩話

零落人間玉臂支淩波舞罷不勝思一聲彈出楓香調

直得崑崙拜段師

簫管秦樓事莫論
玉魚金盃總無存
芫花半落松風晚

一角殘陽認墓門
簫管秦樓應寂寂
毛女詩見全唐詩話
博陵崔生事見博物志

太乙終南倚碧虛
離宮別館擁皇居
詞人漫賦含元殿

基址分明券上書
唐李華有含元殿賦
長安民契券有云某處至花萼樓某處至含元殿見

老學庵筆記

無礙檀施錦繡堆
沈香高座說輪迴
可知八萬蟲沙劫

大半曾迎佛骨來
黃巢洗城事在中和元年
迎佛骨事在咸通十四年

豈是魚龍幻偃師
行圖爭刺舍人詩
劄青年少渾無賴

抵得宮中白望兒
劉青見全唐詩話
官市置白望數百人見通鑑

秋風落葉點頽垣
夾巷重門聽夜猿
誰把地分金玉盞

曇雲閣詩集卷六

并無人識奉誠園
白露點秋風落葉故址頽垣語見開居筆記吳融有長安里中間猿詩金盞地玉盞地見盧氏雜說奉誠園非馬隧宅見唐詩注

昭陵玉匣祕珍儲
律召調陽智永書
祇怕賓僚看臨本

孤寒不少石蒼舒
智永千字文作律召調陽者真本見癸辛雜識蒼舒事見玉照新志

長安西望滿春蕪
渭水秦川入畫圖
妝點小兒坡上景

詩情得似灞橋無
小兒坡在午橋莊見窮幽記

白太守招集臨潼縣廨

玉梅花裏試鏗風
卻喜諸君雅集同
此日關河逢舊雨

謂潘樹人李雲生兩同年他年雲樹話新豐
魚蝦入饌冰初泮
荇藻

當階月已中
欲問飛霜殿前路
傳郵來去太恩慙

遊華山詩

蘿荔始幽討清風吹我襟池臺日以圯惟有煙霞深徑
荒藤蔓古洞闕莓苔陰希夷想遐躅塵垢還初心山蓀
不可擷雲石空相尋出門聽泉響泠泠玉姜琴

谷口

未見王猛臺已入張超谷崇崖互虧蔽青氣四邊束水
石激清寒鏘然韻琴筑南憩桃林坪遠煙出蘿屋神仙
此遺蛻梯棧架岩腹飛鳥不能上時有白雲宿當年避
地人傭販亦珠玉

第一關壘石爲城往時避兵所

曇雲閣詩集

卷六

六

遊人湖 莎蘿坪

雲氣翁西厓正與上方對峰巒勢收束萬緣化平靄微
聞樵唱聲林木森蘂蘂金仙去無蹤畱此山中確苔磴
絕攀躋松風生警欬欲訪杪樞庵斜陽照鴉背

上方白雲峰爲

唐金仙公主修道所遺有確磨之屬見山志

十八盤

浮青截垠踔直上孤雲端坡陀折不盡紆迴路盤盤下
盤仰崩巖上盤俯巘峩峩玉女峰紫翠爛可觀寥天
斷笙鶴松花落祠壇便當歸白石坐把瑤琴彈

毛女峰在十八

盤西

遊華山詩

青柯坪

削成五千仞青空天外倚縮作畫屏風落雁高可指雲

門邈迤來軒窗靜纒纒天然看芙蓉團翠暝煙裏空冥

縹緲間百靈所棲止遙望松檜陰白雲出其底安得噴

珠簾蟄龍呼不起

水簾洞在西峰下落雁松
檜二峰俱華山最高處

宿楊氏別墅

在華山麓

入門鳥雀靜萬个青琅玕樓閣自然好華山當面看言

尋白石坐思把黃精餐夜半鶴孤唳蕭蕭風葉寒

潼商道劉鑑泉前輩席上作

天節星明照上台鶴鸞入坐共尊罍河流自繞潼關去

曇雲閣詩集

卷六

七

山色都從華嶽來十盪聲威方示威九重宵旰正

需才近聞巖穴搜奇士王猛臺前首重回

潼關渡河

關城萬雉高峩峩控扼秦晉之山河官衙置酒攬形勝

朔風吹面顏微醺

是日鑑泉前
輩招飲署齋

龍門砥柱未之見中流

片刻揚帆過年來再告瓠子決鉅野滿溢哀鴻多金錢

百萬費官帑丁夫岸上徒鞭呵更聞東南苦蹂躪鋒車

四出勞天戈長江大河深不測靈怪豈必無蛟鼉干將

莫邪自可用那令跋浪生洪波盛朝德化久漸被歲

星所在登嘉禾

吳中
大稔

馮夷海若效乃職寰宇清宴理則

那太華削成五千仞羅列觴豆神諧和華嶽三公山形如列豆爲白帝
觴百神所見山志諧和水神見漢書禮樂志注我昨振衣快登眺出語欲向松
風哦黃流湯湯逝不返空有清夢雷煙蘿征軺東去日
西下風陵對岸森森陟

華州郭汾陽王祠

河嶽英靈氣乾坤板蕩辰誠還悟回紇讒易中勳臣里
社粉榆古祠堂俎豆新青山留墓碣長憶錦袍人

靈石道中

馬頭遙望是緜山山色空濛杳靄間欲向汾南尋古渡
晚鴉飛過冷泉關

曇雲閣詩集

卷六

別譚太安驛大雪早行五十里至壽陽宿

今宵住何處風雪壽陽城官道掀車出連日行泥淖中人煙到

郭生四山合雲氣萬木靜鴉聲陳跡畱祠宇迢迢行役

情長慶二年昌黎奉命宣撫鎮州道經壽陽驛後人立祠祀之祠在東郭外

固關

平定州東九十里又東十里爲井陘故關

林表路迴環驅車上固關西風一行雁落日萬重山陟
險心逾壯思鄉鬢已斑舟師下吳越聽唱凱歌還

題黃桀卿前輩越秀山望海圖

圖爲丁酉典試時作

壯遊歷萬里能使窮愁開一覽越秀峰未登越王臺邈
矣三十載心魂與裴侗丙寅秋自滇至粵東旬畱者一月先生玉堂彥

文史胷中該衣冠南海盛梗梓按珍材高秋天肅肅振
衣躡崔嵬八荒際溟滓寸目收奇佺沆瀣不可極神化
歸黔雷披圖有生氣雲氣生蓬萊

蓬萊境有無神仙自來少頗喜眼界寬快哉高公島

四月同陶文毅至海州之高公島觀海夏氣涼過秋風濤互迴繳微茫指

青齊帆影管煙鳥獨立神眈羊古今迹如掃作賦謝未
能來去徒草草鯨吐蛟蜃翻驅除恨不早迢迢五羊城
怒焉動懷抱所期汎洪源整頓濟時了

題戴雲帆工部 惻孫惻蕙圖 惻其夫人 蕙卿

沈檀作香篆花誅轆轤咽井華水鮫宮寒雨滴瓊瑰

曇雲閣詩集卷六 九

玉妃不來遂聲外明河絡角微雲濛不許人間怨天上
蟾子纏絲白一生秋風捲斷金絲帳湘草悽以碧湘江
深復深瑤琴一再彈彈出離鸞音離鸞可譜膠可續橫
煙笑暈修蛾綠冶紅小白長安花芙蓉深護神仙家

題雲帆工部隴樹瞻思圖 思親作也

我昔襁褓中從宦且蘭城十三痛無母弱息嗟零丁孤
蓬斷根芟遠逐飄風征白雲渺何許絕徼關山橫中年
謀菽水四顧嗟壘餅安得負郭田歸把粗犁耕無母又
無父此身長惇惇升斗就微祿百念徒怔營君抱不世
才壇玷早主盟峩峩獬豸冠勉旃保令名移孝以作忠

忠孝本至情讀君隴樹圖使我涕淚并使我涕淚并哀
哉鮮民生

贈姚梅伯孝廉

變

卽題其詩集後

四十二人會江亭修禊時

丙申四月四日事

不期重握手始得

讀君詩仙骨自然好古情無限悲瓊樓高百尺試把鐵

簫吹

君集中有鐵簫詩

秋感

手把芙蓉有所思碧城消息斷難知美人迢遞懷湘水
帝子嬋媛託楚辭邊塞有時生馬角江湖無計問鴟夷
一條天漢誰橫阻惆悵前期與後期

曇雲閣詩集

卷六

十

廣遊仙

妙女三千擅色絲通天臺上唱名時入簾有詔開香宴
彤玉居然是主司

瑤華密字早箋天黃葉隨波夢宛然

用明林鴻事

若是玉樓

碑記好人間那得有書仙

織織始影學神妝絳雪丹成有祕方誦得魯生佳句否
相逢休道紫雲孃

匏爵靈簫自有名蘭香萼綠總無情也思夢裏遊三島
祇待遊仙酒造成

解奏賓雲一曲無當筵拍碎女珊瑚空候悲栗聲聲響

都是眞靈位業圖

幾徧除書下玉清半空笙鶴好相迎彩鸞辛苦留唐韻
寂寞山頭跨虎行

反遊仙

當初偷喫大還丹也覺冰霜洗鍊難爲問玉樓瓊室裏
可容千二百仙官

狡獪還思鳥爪孃襪襪鶴背滿秋霜行廚那得麒麟脯
虧煞陶家辟穀方

聞說靈芝有燕胎吸風飲露幾裴徊羽衣日日朝金闕
卻盼雲端白鶴來

曇雲閣詩集

卷六

十一

琪樹陰陰洞府寬碧桃紅頰鎮相看阮郎底事思歸去
未必胡麻得飽餐

百和名香夜半焚手持符籙上眞君黃金大可消災厄
海底虛沈數萬斤

渺渺星辰隔絳河上清丹訣費吟哦蠹魚也作春蠶舛
應悔神仙字食多

贈魏默深刺史

源

平生最有魏夫子知余一寸纏絲心胡繩纏葛蔓蔓

思美人兮湘水深

君極稱子七言律詩
謂得玉溪生神味也

胷中何止四大洲神光往來鞭赤蚪直走龍堂割龍石

紅輪不盡海西頭

君近著海國圖志五十卷

東華招同人七夕小飲

又到梧桐葉下時
西風雙鬢換絲絲
幾多良夜歡難續
如此新秋醉莫辭
庭院深深蛩語早
關河漠漠雁來遲
玉笙吹斷藍橋信
駮女癡牛未必知

甲辰七夕

昨夜洗車雨
今宵瓜果筵
銀河渺無際
風露自年年

無題

密字真珠甲乙編
銀槎碧落笑無緣
蓬萊自占三千界
河鼓應輸十萬錢
可有寒華稱弟子
漫猜張碩伴神仙

曇雲閣詩集

卷六

三

雲中又奏霓裳曲
看到涼蟾八月天

題周筱村同年課經圖

吾曹身世例坎珂
兀兀蟬編計良左
不鳴不躍亦奚爲
萬人海中百無可
君居諫官日無幾
轉眼君門隔萬里
鮭蠶罔象變幻工
坐上彈箏徒噓唏
儻車郎當我北來
君方乘傳收楚材
乙未夏余挈家北
上君時典試湖北
荷戈君唱關山曲
居庸關外風颼颼
邊牆屹立邊雲愁
二尺短檠照經史
黃簾綠幕鱣堂秋
秋聲如許不可聽
東華塵土吹冥冥
相逢慎勿歎枯朽
痛飲且沽燕市酒
元謨肩頭想足申
一枝桂折郎君手
令子應京兆
試將揭曉矣

病遣

欲采芳馨贈所思西風獨自瘦瓊枝經秋易感幽憂疾
忍俊難刪側豔辭低幙輕簾人悄悄敗荷衰柳雨絲絲
蕭齋自有蕭寥意除是吟蛩總不知

題張仲遠

曜孫

海客琴尊圖

吳龍

中朝人物居然在三條五劇車殷雷直視不見黃金臺

平原綠野埽樞翳西山一角林亭開
仲遠所居為襄平蔣相園故第青

春堂堂白日去俊游畱得詞人住彈出霜霄鐵馬聲疏
簾細雨調珠柱相逢海外有知音朝鮮使者朴坦與金

曇雲閣詩集

卷六

三

游張衡工愁報瓊玖吳均好客招朋簪謂偉卿碧琉璃鍾

傾白墮有酒不歡甚時可文壇健者張其軍可惜此中
竟無我我亦驅車萬里游游水不到西南流子容真十九年長

安席帽二十載冰絃破碎瓊官秋江亭畫長花滿樹曾
共汪孟頫陳南詠詩處丙申四月四日江亭展禊夢中二豎守我旁服

君肘後千金方丁酉夏予病幾殆服君藥始愈吁嗟乎長鯨跋浪妖蜃
舞置身清華亦何補知君救世有婆心去去且為好官

府君於癸卯領鄉薦今將作宰矣

題仲遠比屋聯吟圖

叢蘭無獨芳樛柯有交枝鸞皇聚以族其鳴應雄雌人

生寡同儕閉戶恆唸呬嗒焉形顧影所思渺難期君少
稟家學經史工鑄錘女兄擅才調閨門相友師不數班
與鮑一一瓊琚辭東西屋幾間宛彼河之湄明月鑒疏
牖雅絃緼朱絲宮商夏珠玉伯仲諧壘篋至今澹菊軒
海內傳其詩令姊孟縉夫人適吳偉卿前輩著有淡鞠軒詩集此樂不易得此
景良可追讀君聯吟圖慨然動我思家衎席未暖南北
車輪馳晨星歎寥落鄰遂增悽其采藍不盈把滿目紛
蒼葦蛩螿得秋氣咽咽徒爾爲

亾友澹懷曾以蓉湖醉月素心堂夜讌二圖屬題

忽忽無以應覽茲遺冊愴然於中爲賦長歌一

曇雲閣詩集

卷六

古

篇甲辰十月二十八日也

寒雲重重慘不收庭葉飛盡風颺颺零縑敗墨蠹灰黯
中有萬古詩人愁芙蓉湖水清且幽蘭橈桂楫沙棠舟
四面波影中央樓霜月皎皎在上頭翠鬢紅燭恣歡讌
想見興發凌滄洲清微道人慧業修寶之尺幅琳琅璆
雲窗霧閣渺何許五更屋角啼鴛鴦素心堂址今在不
九龍山色空幽繆搏沙聚散一俄頃四大瀛海如浮漚
黃河滔滔接江水魂兮不可以久畱琴絃摧斷鏡花蝕
美人名士歸山邱仲秋送澹懷旅櫬南歸與琴姬合葬世事崢嶸歲月適
九衢車馬無時休我獨胡爲此夷猶冠帶束縛同拘囚

夜看星月氣森沈銀臺應是無封事鐙燭光中話素心
回首前塵記大羅衰慵無復按雲和文書堆案知才少
藥裏關心爲病多那有江山容跌宕從來官職易蹉跎
新春好飲屠蘇酸莫遣光陰迅下坡除夕前二日立春

題陳子寬司馬

同哲

家藏清溪草堂重臺桂卷子

一百十六年前事手澤猶存此畫圖

按重臺桂事在雍正五年丁未隨園

以爲康熙間者誤也參得木樨禪悅否四株紅豆一株無

清溪斜對東禪

寺門後紅豆四株見雲壽舍人自識語

詞人都賦桂重英瓊笈瑤籤認姓名我與季方喜相見
宜南坊角故鄉情

曇雲閣詩集

卷六

六

甲辰除夕口號

貧廚祀竈卻黃羊也學坡翁饋歲忙橄欖茶香傾一盞

病中除夕最清涼

同年有以黃羊見餽者轉餽清如

綵幡花勝簇春盤楚柚吳橙四角安自下重簾對雙燭

聽他兒女話團圓

官閣琴尊興有餘

謂默卿甫亭諸君

病來遲答故人書梅花驛

使年年到莫道長安不易居

夢裏松楸苦憶家恩恩十載任京華一官自覺支離甚

猶看人間富貴花

門人見貽唐花

乙巳新正試筆十首

綵勝桃符一色鮮屏帷微颺藥鑪煙娉婷不用明珠解
白掃書牀供水仙

養拙非關心計麤蕭琛三好近俱無牧豬奴戲吾曾試

十擲居然得一盧余自戊辰至戊子鄉薦凡十應試故云

城西爲訪張平子素問靈樞論不窮下馬入門逢海客

琴尊想見畫圖中初五日就仲遠診脈適與朝鮮李藕船相遇去冬曾爲仲遠題海客琴尊

圖

轟飲能消三百杯當場奪得錦標回謂所行酒令虎頭癡絕

跳身去幾被車輪括頸來十二日順之補之玉泉昆仲鑑齋水部招飲顧子山比部

不勝酒先去故戲之

曇雲閣詩集卷六

七

菊部風流擅一時從教北地買臙脂酒人零落雙鬢老

莫唱黃河遠上詞

放筆能通書畫禪分題好共擘吳箋梅花烏石山頭路

海外猶聞有謫仙十三日仲遠偉卿招集邱齋朝鮮李藕船出金秋史所畫歲寒圖屬題秋

史聞以事竄謫云昨夜夢尋烏石路山前山後見梅花朝鮮金叔度詩見漁洋詩話

試鐙風裏太恩恩腰腳春來一味慵許把長鏡種瑤草

不妨喚我作聾蟲病耳未愈

流浪江淮記昔曾卅年歡事幾春鐙可知佳日恆孤負

說餅題餠總未能

門外應無車馬喧有詩那爲過高軒故人最是諸王好

雪月光中話上元

元夕小飲座有漢槎若華與軒是夕大雪後有月

三載河隄績告成更聞海上息鯢鯨小臣自有豚蹠祝

長聽東南賀太平

益梅盛開賦此遣興

祛塵風細逗春晴檐外猶聞凍雀聲煙水無人尋玉照

玉照堂址在錢唐之慧雲寺蕪廢不可問矣

雪天有夢到銅坑青裙縞袂神

仙伴

傍供水仙

紙閣蘆簾處士情不用參禪妻法喜寒香相

對勝傾城

乙巳正月十三日張仲遠明府

曜孫

吳偉卿前輩

贊 招同李藕船

尚迪

宴集邸齋為賦長歌一篇

曇雲閣詩集

卷六

六

以紀其事即送藕船歸朝鮮同集者張石洲明

經

瀛暹 中翰潘順之

遵和

補之

希甫

上舍潘玉

泉

曾璋

趙伯厚贊善

振祚

編修莊蕙生

受祺

馮

景亭

桂芬

姚湘坡吏部

福增

汪鑑齋工部

藻黃

子幹

秩林

周席山

翼珥

兩孝廉章仲甘上舍

岳

鎮

寫真者吳冠英後至者侍御陳頌南也

我題海客琴尊圖中人遠心迴紆一昨春明喜相見

朗若玉山照人面坦齋不來藕船來

數年前貢使為朴坦齋綺壽即圖中

所繪者

云已八載離燕臺

謂藕船

主人召客具杯罍車騎雍

容劇風雅攬袂傾襟縱筆談烏絲闌紙更番寫阮堂海

外之所宗近聞遷謫嗟龍鍾寒林槁木致蕭瑟想見孤

直人難容金枝史一號阮堂博學多著述為藕船師是日出其所畫歲寒圖屬題本朝詩

人邁唐朱新城秀水相伯仲隨園一生弄狡獪流傳價

亦雞林重兩當傑出真奇才可惜壯歲薶蒿萊與藕船論及

本朝人酒酣敲折青珊瑚雕蟲小伎媿壯夫胷中鬱鬱

有經濟眼底書生不得意謂石吳生畫手今虎頭先貌

中朝第一流謂頌南方今海宇告清宴如砥河流安竹箭

去臘東河奏告合龍春晴嵐翠撲人來諸公好作山亭燕亭與西山相對

幾度尋思翰墨因東風十丈歎紅塵畱連不到花生日

楊柳依依又送人藕船以二月朔日歸國

曇雲閣詩集 卷六 九

題朝鮮金秋史歲寒圖

早聞秋史名惜哉未一面疇人術旣殫著有算學啟蒙經史尤

賈弗譬我賈董流洵彼邦之彥世事習模稜先民有狂

狷詰曲傷迷陽身窮道不變日下使車來謂藕船文酒設

歡讌示我歲寒圖寒林莽一片豈無桃李姿三春露華

銜青蒼抱冬心挺然傲霜霰烏虜人間世百年迅飛電

所期在千秋勿與榮悴戰相逢不可知請以此詩先

人三月六日病中見西院海棠將開書此

天桃穠李鬪芳姿獨向東風閉戶時不是名花無賞識

偶然遣卻杜陵詩

偶成

病來已覺瘦崢嶸那更攢眉百事并習靜自能忘我相
耽吟何苦作秋聲幾番風細苑花發一夜雨過春水生
閒讀道書消茗飲鑪灰微撥篆煙輕

題何絜人明府

覲揚

楓江吟社圖卽送之官粵西

漁火楓江夜泊船分曹曾記鬪吟箋詞人跽跼監司老

謂戈順卿外兄
高芾堂前輩

烏帽紅塵又十年

蘄北風霜嶺嶠雲江鄉悵望白鷗羣脚鞵手版憐何遜

且把觥船棹十分

連年朱沈感黃墟

謂西生
土美

漁隱誰知青黛湖

西生有黛湖
漁隱圖

曇雲閣詩集

卷六

辛

絕妙銀臺傳畫本又牽鄉思到蓴鱸

諸幅中詠莪通副
所繪最爲工肖

此去藤江譜竹枝薦于爭唱使君詞與君早結團瓢約

已是心灰耳冷時

東陸稷民明經

元綸

索米長安幾載過春風秋月儘消磨廣談虞筆君如此

昆腳皆頭我奈何婚宦從來如願少文章畢竟受知多

豐臺且訂看花約倘得新詩自在哦

遣懷卽示詠仙漢槎諸君

蘇文

西抹東塗笑阿蒙沈詩任筆我何工麤蕘久作羊公鶴

騰踏還誇鮑氏驄小徑偶窺行藥後斜門閒掩落花中

諸君好啖紅綾餽莫問江南船艣風

明日春試進場

三月風光似早春十年京宦例長貧

欄邊尚有呼名鴨車上都無問字人

浙甯開時思酒伴瓊樓高處著吟身

病來一事供消遣學得熊經與鳥伸

近與心奮習導引術

題汪叔明孝廉借書乞酒圖即送其南歸

薄陰不雨春光徂當階一寸楊花鋪盧溝橋上馬蹶響

平林漠漠低煙蕪自來名場易束縛如蠶作蛹鳥在箴

文能奪命那有此每見海底沈珊瑚君才突兀壓流輩

出語生硬追韓蘇奇書探從禹穴得美酒索向餘杭沽

曇雲閣詩集卷六

三

雙丁二陸久馳譽不鳴不躍胡爲乎

君與哲兄仲穆詩集中多浙西紀游

之我從病起百疏嬾方寸廢若秋井枯一官虛糜太倉

粟四腮莫致吳淞鱸相逢相別太草草少畱尚欲呼行

廚伯牙潭邊波淼瀾芙蓉洞口雲模黏東南迴首增太

息且許窮士依菰蘆有書可借酒可乞故園風景無時

無

爲問

爲問雙輪底事忙頭銜猶自署曹郎堂堂白日貧兼病

兀兀青編記又忘老境幾人如食蔗故園何地好栽桑

捲簾卻盼催詩雨贏得槐窗午夢涼

夫人名綸英適上舍孫叔獻劼為前館陶令宛鄰先生

第四女仲遠明府之叔姊也姊妹承家學嫻文翰夫人

習北朝碑正書分書俱臻其極仲遠既繪是圖敘其布

指運筆之法甚詳洪子齡同年為作書勢一篇

七十二家篆法在地上碑碣蕪荒榛蘭亭玉石用鎮肉

牡丹花賦詞猶新見續文獻通考長安城中運磚甃浮圖轟起

千由旬見宋史豈無蒼舒藏墨蹟臨本莫辨贗與真平生

不善徑寸字凡將急就安敢論往者河陽考金石驪驥

見魏碑司馬景和誌銘刻墓司馬元與誌銘多異文中候從事碑久佚漢郭

墨雲閣詩集 卷六 三

仲奇郭究二碑集古錄隸釋云在河陽今之孟縣也經幢鐘識徒紛紜己丑客孟縣輯河陽

金石錄二卷 婉紉夫人有殊稟少小即與翰墨親賣竹漉籬

勝靈照龐居士女見傳燈錄縣衙日未娵護椿綠槐陰濃覆書屋

指搗栗尾驅龍賓挽底雲虹森照爛行間蘭麝飄氛氤

用張彥遠評書語鉤陽距陰法已備橫逼外鼓勢益震韓公授

書奚足道蘇蕙織錦非其倫有如木蘭從軍去長槍大

戟驚釵裙如馮夫人持漢節胡沙漠漠馳雙輪端嚴道

麗力深厚其弟仲遠之所云吾家賢媛著名譽楷法頗

亦誇朝紳謂族姑墨琴夫人不論姿制論格勢相去毋乃隔一

塵秋蛇春蚓競塗抹古裝勁服揚袿薰便當梯鉤刻琅

踣孽窠大字鑄青珉閨中書擅妙能品千古惟有衛夫
人烏序工書豈必衛夫人學者但少王右軍

易安人詩為編修陳岱雲源克作

一黃障江河先天有其性朱陽而墨陰分寸按所平陳必

有朱墨銘見宋史聖賢道厥常全身以立命形虧志則完變乃

反乎正區區愛體膚猗違說方競忠孝無歧涂強者能

自勝四語櫟括誌銘中意夫人稟淑姿中閨具滄行刲臂救所天

倉卒氣空橫所天疾既瘳毀傷庸何病霜露忽不居清

輝掩蟾鏡淒然看遺挂追念百憂恟苑枯亦偶爾管形

足標映煌煌有銘辭讀之竦生敬

曇雲閣詩集卷六

葉調生廷珩見寄鷗天閣遺著書後

朱西沈雲門士美昆仲聯吟記昔年春游擔得杖頭錢也從六

姐橋邊過不見詩人印印川

附錄湖田紀遊原作黃山印康祚印川

解識風雩我黨狂行蹤不似住金閨杖頭擔得青蚨

百六如墳橋喫酒孃

題雲帆工部陞山載筆圖

我居滇中十九年可惜不到蒼山巔奇境每誇燕子洞

清遊最憶珍珠泉蠻盟臺荒瓦礫贖南詔碑古莓苔纏

振衣五華發長嘯鄧蒙往事消雲煙迢迢鄉夢馱瘦馬

咽咽詩語哀秋蟬
謁從軺車歷邊徼
在學使葉琴柯師幕中三載

倒依舊歸無田明湖翠
嘯浙西路落花飛絮
江南天丁卯

四月自錢唐歸里
江南山水自佳麗
人事於今益彫劫
金錢大半換頭銜
田舍徒然鬪心計
倡女爭誇時世妝
鄙夫競逐錐刀利
市上相逢乞食人
門前但有催租吏
胥篋探丸共咄嗟
炊金饌玉猶靡費
春風亭館賞花藥
秋雨池塘采蓮菱
行舟寂寞聽鐘聲
坐石蒼涼埋劒氣
零箏斷

遂歡幾何夢裏還
驚海波沸披圖不覺心曠然
此是當年釣遊地
此地當年作壻鄉
螺岩一角明秋光
滿身風雪扶筇去
一樹梅花潭水香

黑龍潭有唐時梅
討春何必天平

曇雲閣詩集

卷六

山消夏何必芙蓉灣
便當青鞵布鞵走萬里
去訪且蘭

舊山水十年騎馬聽朝雞
嗟我與君將老矣
君今名譽馳帝都
奇篇往往探驪珠
南園風鯁好相繼
嗶呼噉

嚙胡爲乎他日容君乞鑑湖
不愁歸去田園蕪
願瞻隴樹雲模黏
山亭木杪崇龜蚨

君有隴樹瞻思圖
西南樂土言豈

誣上四字見尊集
紫茄白莧山之隅
此中許結團瓢無
安知今吾非故吾
更作陟山載酒圖
與君花下聽提壺

題雲帆寒齋味雪圖

君以太史才而食郎官俸
歸家輯圖經
其山鎮曰陟繪

圖索我題不覺言之縱

前圖君修昆明縣志時作
殷憂曷云已
疾疢

毋乃中士當螻屈時辛苦守齋養道心歸澹泊世事莽
搏控蘊茲冰雪襟大矣舟楫用寒窗擁麩火詩詞供一
弄怒焉感蒼生何以免飢凍

憫槐

齋前一株槐團團覆吾廬南窗受風日樂此陰扶疏青
蟲自何來延緣日紛拏萬葉供汝飽嚙嚼幾無餘頂禿
黃易露皮僵翠難舒豈無時雨潤外枯中亦虛生意漸
欲盡婆娑感何如嚴霜不及殺此類宜早除

絕句

曇雲閣詩集

卷六

五

照眼西山翠一堆翰林風月屬仙才瓊樓玉宇天然畫
不是荆關學得來

宮錦袍披鬢未華謾將詞句付紅牙

君有藤館
填詞畫冊

水仙自

與蘭相伴好寫春閨夫婦花

列宿光中有使星南齋餘事擅丹青

謂戴醕
士同年

看君不讓

吳生筆也手芙蓉上

御屏

用醕士過廬山詩中
語見所著訪粵集

漁洋山人像爲韓小亭農部題

明湖柳色盡蕭疎想見夫于問答初十載雲樓誰識我
須糜空憶舊尚書

芙蓉初日照嬋娟愛好須知出自然誰買青山管壇址

後來不少野狐禪

魏熨斗歌 有序

斗重卅四斤十二兩今權得一十九斤以建初尺度之
蓋徑七寸六分底徑五寸五分柄長一尺餘七分有銅
熨人二尺二寸二分首刻饜饜形首下有穿以插斗柄
跗正圓而稍穹徑一尺九分款識刻于跗上文曰太和
三年二月廿三日中尚方造舊藏洪洞劉鏡古司馬肇
鑑家廣平守沈君清得之證為魏明帝時物圖以徵詩
有益有底尺可量穿以插柄柄較長熨人之首像饜饜
造自太和中尚方鴨鑪東閣噴香熱銅爵東閣鴨鑪乾隆五年彰德居民

曇雲閣詩集 卷六

五

洵漳河所得藏縣丞陸文傑家余友蔣澹懷歌以紀之細腰手熨芙蓉結長門月

落斗闌于金仙泣露銅檠折帶火零星話劫灰帶火遺金斗見

義山西陵歌吹總堪哀洛神去後李娥活李娥建安中婦人發冢復

詩活見官閨誰掘芳林土一堆裁縫密密申鴛綺說文熨字注持

火以熨珠孺玉柙重泉底君王自愛辟寒金壞色羅裙

吹不起匏廬太守好古耽風雅月華麟首親摹寫姚月華熨

斗名麟首見款識真同雁足鐙題詩合用香姜瓦繡澀

苔花跗自圓銷沈又過一千年摩挲熨斗同威斗一笑

麻姑滄海邊

十月三日潘季玉曾璋招游天甯寺看菊有詩紀

事卽次原韻

秋聲欲撼山林煙半藏寺有約討荔蘿巾屨後先至記
昨對寒花清極不能醉十日前集如逢退院僧貌臞神

弗悴西颯一夕狂是日坐覺須鬢涼老圃壓霜氣寂寞

珍餘香塔影想磨滅寺藏有塔影墨蹟鈴語增徊徨斜陽又催

暮所思渺雲樹插腳軟紅塵蹒跚窘其步仰瞻有飛鴻

寥空自來去黃葉歛已盡蹇驢遲未顧出門望西山吾

欲呼負負擬作潭柘之游屢約未果也

小亭農部屬題水繪庵填詞硯圖

金粉淒迷十四樓當年裙屐占風流橋亭應有傷心客

曇雲閣詩集卷六 毛

用謝文節事不見寒潮打石頭疑是謝亭感昔心容

鏡前擁髻幾多時我有秦淮本事詩莫向沈香街畔去

空教雙淚滴紅絲

仲冬十三日清如同年心香水部舉消寒第一集

同賦哈密瓜詩

北庭自昔置都護蔥嶺正幹天山長陽關之西扞采近

三十六國環回疆蒲桃目宿種可致神馳送喜爭騰驥

送喜馳爲八駿之一白龍堆邊列烽候重兵斥邏紀漢唐我

朝版圖廓無外綫天磧地開鴻荒準部喀城悉底定夫

哉聖武欽

純皇于闐玉磬貢方物

禁中奇蜜羅芬芳

回語謂綠葡萄乾隆

時移植

禁中帕爾西語

回語三

譯喀袞

謂瓜

由來美種稱敦

煌溫泉監瓜二月進何似包裹經風霜九千里程橐駝

載詞臣作賦磬鏘洋

賦見劉金門存悔堂集

經歲花門樂恬宴瓜

朋蒜友欣豐穰何來遺孽煽灰燼鐵蓋就縛消欖槍

午門獻俘奏凱樂紅花緞布仍輸將卽今西陲事開墾

湧流灌溉資蒲昌果園澆冬費騰格

回人以百普爾錢爲一騰格澆冬水

見西域

安得盡化爲農桑諸公相繼直樞要

一山前輩詠莪清如

年年玉食頒

尚方消寒雅會具有核誇詫珍品邀客

嘗欲徵故事十忘九齒牙脫豁秋曹卽銀刀一剖青蒂

墨雲閣詩集

卷六

天

落細嚼那許餐瓊瓢眼前都非熱中者食單不問有蔗

漿黃飜白搏漫分別含咀雪液堅詩腸想見冰圭滿筐

貯羯僮羯女多蓋藏東南行省足財賦瓜期近亦籌江

防中田一區倘容買請學老圃歸故鄉不爾長風破巨

浪埽除鯨鱗看來王酒酣起舞月皎皎試憑鐵筵吹伊

涼

謝文節橋亭卜卦硯詩卽題劉八侍御

位坦

拜硯

圖

西山梓東山桐壘山之琴曰號鐘雷傳更有卜卦硯苔

暈青花痕一片舟覆厓山事可哀江南太息無人才麻

衣手寫雪樓書鸚鵡眼乾斗星碎

斗星硯見春渚紀聞

耐久不渝

金石盟誰其先者玉帶生王孫辟雍亦何有

子昂端石辟雍硯見

雲煙過眼錄

忠精貫之斯不朽硯乎硯乎什襲珍六百年來

翰墨因焚香再拜上封事願君寶此爲良臣

芝軒相國師見示歲朝賞菊詩命和原韻

事業何須問嬾殘九仙骨本耐清寒東籬花出齡能制

出字本王建詩晚豔出荒籬

西郭山明秀可餐元日風光應更好平

泉草木要重看當樞手筆推燕許又與詩人主敦槃

消寒第二集適胡實甫太守至自歸德次詠莪宗

丞韻

曇雲閣詩集

卷六

无

明鏡羞看白首郎新詩漫乞紫瓊霜

用李白事見雲仙雜記

人來

京輦多佳宦雁叫關山有急裝

實甫以卓薦入都並有解餉奉天之役

銀

燭清尊同此夕鮮魚嫩筍是吾鄉歸心不斷如流水付

與春潮日夜長

長至後六日招同人集飲雲帆工部後至已薄醺

矣開懷劇談遂大醉明日見示賓筵訟過吟口

占爲報

豈必煩監史方將繪主賓拍張王敬則歌哭楚靈均一

坐皆知己千秋有直臣

謂頌南

不愁芒角出肝膾自輪囷

消寒第三集次詠莪韻

王梅花下交三九成句光福橋邊一回首作詩空憶范石

湖笑問鷗鄉有誰守霜空月白朔吹號且須痛飲杯中

酒他時重繪九老圖先數彭鏗八百壽與斯集者共九人

余年六十諸公以東坡生日召飲詠我先有詩卽

次原韻

既不羨雲臺麟閣之功名亦不學攢眉聳肩苦作秋蛩
鳴但願美酒日日喫不盡何必海上更有安期生坡公
一生盛名下五千卷軸供陶寫可憐除夕宿常州遠火
低星照荒野烏臺詩案豈必詩心灰耳冷無人知偶然
肝膽一披豁山鬼怨絕離騷詞寒泉一盞薦冬季穢腥
曇雲閣詩集 卷六 三

未舉蘇齋既寬甫侍御凝于是日招同人為壽蘇雅集兼餞頌南給諫子與子貞心香俱弗克赴

穢腥寬甫自顏所居也翁覃溪閣磨蝎宮纏大有人鬱

鬱學每歲祀東坡名其室曰蘇齋鬱古今不如意況余年鬢日相催安得竟歌歸去來

涵秋閣消寒四集次潘補之舍人希甫韻

自識山人過廿年評詩讀畫惜無緣閣為朱野雲所造余主講泰州時卽

耳其名今來黃菊丹楓後重醉香鑪茗椀前筠潭前輩居此曾同宴集

隨意縱談容率爾生成野趣覺翛然輸君祕閣朝回早

靜對寒林跂脚眠

題汪筱珊工部藻贈行各畫卷時之官北上今又

乞假南歸矣

寒驛秋花第幾程
飄來風送是離聲
渡江不媿真名士
多少青山送北行

北來大好結詩緣
古寺琴尊十月天
最是楓江忘不得
一星漁火照鷗眠

水部詩篇筆有神
腳躡怕踏軟紅塵
幾時乘著新驄馬
歸到蘇州便訪君

曇雲閣詩集

卷六

三

韻既藏也

本詩集

一星漁火照鷗眠

正來大

卷心

大觀

